

Expectativa halto pa posibel anuncio di gobierno nobo



Pagina 4

- **Rescate di dos
turista riba
waverunner**

Pagina 6


- **Cifranan di
criminalidad
na Boneiro ta
mustra tendencia
preocupante**

Pagina 9

- **Ex presidente di
Peru ta anuncia
welga di hamber
pa protesta contra
huicio di rebelion**

Pagina 10

Top tres crimen cometi na Aruba ta trafication di hende, hortamento, y droga



Pagina 2

Secretario di Estado Zsolt Szabó a informa Tweede Kamer tocante desaroyo economico y autosuficiencia di parti Caribense den Reino



Pagina 3

Caso di hoben desaparecido na Republica Dominicana ta trece Natalee Holloway bek den luz publico



Pagina 2

Caso di hoben desaparecido na Republica Dominicana ta trece Natalee Holloway bek den luz publico

E caso reciente di Sudiksha Konanki, un estudiante universitario Mericano cu a desaparece durante su vakantie di 'spring break' na Merca, a pone Mericanonan recorda e caso di Natalee Holloway, cu a desaparece na Aruba 20 aña pasa. Mama di Natalee y un investigador cu a traha riba su desaparicion a bin dilanti e siman aki pa papia tocante e diferencia y similaridad entre e caso-nan.

The New York Post a papia cu un investigador priva cu a traha pa famia di Natalee Holloway, kende ta ofreciendo pa yuda den e desaparicion di Konanki - pasobra e ta teme cu probablemente el a keda secuestra.

TJ Ward, kende a yuda mayornan di Holloway tempo cu el a desaparece na Aruba 20 aña pasa, a bisa dialuna cu el a "tuma contacto cu famia" Konanki, pa "purba yuda nan ubica nan yiu muher" den Republica Dominicana.

E investigador priva ta di acuerdo cu famia di e estudiante desaparecido, cu algo teribel por a sucede. "Mi no ta kere el a hoga den ocean," Ward a



bisa, agregando cu "hoga lo ta un di e ultimo cosnan cu mi lo pensa aworaki."

"Mi ta kere totalmente cu un persona sa algo, unda e ta, of un hende a bay cune, of un hende tine algun caminda."

Autoridadnan local a sugeri cu Konanki por a hoga pasobra a mir'e ultimo riba beach - aparentemente cu un homber jong - alrededor di 4am despues di un anochi cu amigonan.

Sinembargo, Ward a bisa, "si e lo a bay den awa [y hoga], su culpa lo a sali un caminda cu e coriente di e manera cu ta yega den e isla."

Desaparicion di Konanki tin algun similaridad cu esun di Holloway, incluyendo cu ambos muher a biaha na un resort den Caribe cu nan

compañeronan di scol, The New York Post a nota. Ambos muhe tambe a desaparece riba beach e anochi despues di keda laat cu amigonan.

E caso di Holloway a yega na un conclusion horibel aña pasa, despues cu e sospechoso pa hopi tempo den su desaparicion, Joran van der Sloot, a confesa di a mat'e.

Di su banda, Beth Holloway, mama di Natalee, a bisa Fox News cu tin un diferencia clave den e buskeda pa su yiu Natalee 20 aña pasa, y e buskeda pa Sudiksha Konanki na Republica Dominicana.

E caso di Konanki a keda vincula na esun di Holloway pa motibo di e similaridadnan.

Pero Beth Holloway a bisa: "E famia [di Konanki] ta hopi



afortuna di tin un embahada Mericano eyan pa traha cune. Ami no tabatin esey na Aruba."

Natalee Holloway a desaparece durante un biahe di graduacion di scol secundario, mientras Konanki a desaparece durante un biahe di 'spring break' cu su amigonan di Universidad di Pittsburgh.

Ultimo biaha cu a mira na bida dia 30 di mei 2005, saliendo di un bar cu Van der Sloot. E tabata e principal sospechoso den su desaparicion pa e siguiente 18 aña y finalmente a admiti di a mat'e den un confesion dia 3 di october 2023, publica despues cu el a admiti culpabilidad den e caso di extorsion.

Desde asesinato di su yiu, Beth Holloway ta boga den

su number y a bisa cu e desaparicion di Konanki, di 20 aña di edad, mester ta un advertencia pa biaheronan.

"Mi a crea e plan di seguridad 'full-circle' pa biahero y ciudadanonan di tur edad pa recorda nan pa pasa mesun hopi tempo den plania e fin di e biahe cu nan ta haci plania unda pa bay, kico pa bisti y cu ken nan ta bay," Holloway a bisa.

Tata di Konanki, Subbarayudu Konanki, a haci un yamado pa autoridadnan amplia nan investigacion.

"Ta cuatro dia caba, y si e tabata den awa, probablemente e lo a sali na e beach," el a bisa. "No a hay'e, pues nos ta pidiendo nan pa investiga diferente opcion, manera secuestro."

Statistical Overview of Aruba 2023

Top tres crimen cometi na Aruba ta trafication di hende, hortamento, y droga

Oficina Central di Estadistica ta presenta su publicacion 'Statistical Overview of Aruba 2023'. Den e publicacion aki varios topico ta ser trata, entre nan, husticia. Den esaki por nota cu pa aña 2023, e crimennan mas cometi na Aruba ta relaciona cu trafication di hende, hortamento y droga.

Na 2023, e poblacion di prison na Aruba a aumenta cu 13.5 por ciento compara cu 2022.

E crimen di "delito di vicio" y "hortamento" a aumenta cu 46.2% y 8.8% respectivamente, compara cu



2022, mientras den e mesun periodo di tempo, e crimen di "hortamento cu arma di candela", "abuso/atake" y "traficion di hende" a reduci cu 47.6%, 25% y 25% respectivamente.

Pa loke ta e composicion di e poblacion den prison, di e total di 269 prisionero na 2023, 187 tabata naci na Aruba, 41 na Venezuela, 15 na Colombia, 8 na Republica Dominicana, y 18 na otro pais.

Tabatin 29 prisionero hoben 18 aña of menos di edad, di cual 27 tabata homber y 2

muhe. Di e prisioneronan mayor di 18 aña di edad, di e 240, 216 tabata hende homber y 24 tabata hende muhe.

Pa loke ta e tipo di crimen, di e 269 prisionero; 37 tabata cera pa hortamento; 11 pa hortamento cu arma; 23 pa delito di arma; 19 pa delito di vicio (droga); 27 pa homicidio, asesinato of complicidad den esaki; 33 pa abuso/atake; 76 relaciona cu droga; 15 pa trafication di hende, y 28 pa otro crimen.



Secretario di Estado Zsolt Szabó a informa Tweede Kamer tocante desaroyo economico y autosuficiencia di e parti Caribense den Reino

Recientemente Secretario di Estado di Digitalisacion y Relacionnan den Reino, Zsolt Szabó, a manda un carta pa presidente di Tweede Kamera relaciona cu e debate di comision tocante desaroyo economico y autosuficiencia di e parti Caribense den Reino cu lo tuma luga den luna di april.

Den preparacion pa e debate aki, el a informa e parlamento tocante e esfuerso di gabinete riba e temanan aki.

E Secretario di Estado a indica cu e reto cu e seis islanan den Caribe Hulandes ta enfrenta den e area di desaroyo economico ta similar na esun di e Small Island Developing States (SIDS).

E categoria di paisnan aki, reconoci pa e Nacionnan Uni, ta distingui pa limitacion structural, manera e tamaño chikito di e isla, capacidad institucional limita, dependencia di factor externo, economia fragil y habri, y gastonan halto pa conectividad.

El a splica cu e gabinete ta reconoce cu e limitacion structural aki ta pidi un acercamento comun. P'esey, el a indica, e gabinete kier traha hunto cu e gobierno local, empresario y sector publico y priva riba e islanan pa desaroya solucionnan concreto. Esaki ta enfoca riba crecimiento economico y, mediante esaki, e meta pa logra mas autosuficiencia.

El a sigui splica cu pa henter e parti Caribense di e Reino, e islanan mes tin e responsabilidad pa desaroyo economico. Pero pa Boneiro, Saba y Sint Eustatius, e Reino mes tin un rol pa stimula desaroyo economico y autosuficiencia.

Pa e paisnan autonomo, Reino ta duna sosten solamente si ta necesario y si e dos partido ta di acuerdo. Den esaki, e Landspakket ta e instrumento principal.

El a agrega cu ademas, tin desafionan cu e seis islanan por soluciona miho a traves di acuerdo conhunto. El duna como un ehempel e tema di mehoracion di seguridad di alimento y promove e

conectividad den e region. E temanan aki ta fuertemente relaciona, pasobra e islanan ta depende di otro, y ta pidi un acercamento integral.

Pa loke ta e desaroyo economico di e paisnan Autonomo den Reino, Secretario di Estado Szabó a remarca cu e maneho di desaroyo economico ta un asunto autonomo di Aruba, Corsou y Sint Maarten mes.

El a indica cu e gabinete ta duna sosten na e paisnan a traves di e acuerdonan cu a ser logra den e Landspakketten y, na Sint Maarten, tambe via e Trustfonds Wederopbouw Sint Maarten di Banco Mundial.

Ademas, el a agrega, na Corsou tin un colaboracion pa desaroya un cadena di hidrogeno berde (groene waterstofketen), y via e Caribbean Regional Technical Assistance Centre (CARTAC) ta duna sosten na tur tres pais Caribense. Un maneho di finanzas publico sostenibel ta ser respalda door di Hulanda via e Rijkswet financieel toezicht.

Secretario di Estado Szabó a señala cu similar na Boneiro, Saba y Sint Eustatius, bon gobernacion, un gobierno cu un situacion financiero stabiel, un vision a largo plaso riba economia, un nivel suficiente di inversion publico, un mercado di capital funcional y un bon colaboracion regional ta importante pa desaroyo economico y autosuficiencia.

El a indica cu e condicionnan aki ta ser menciona regularmente door di e International Monetary Fund (IMF). Na mesun momento, el a menciona, e paisnan ta enfrenta limitacionnan tipico di isla chikito den desaroyo, manera capacidad limita di instituto publico, loke ta stroba crecimiento economico y un uso efectivo di recurso.

Di banda di Hulanda, el a informa, ta traha hunto cu e paisnan autonomo den Reino riba e siguiente temanan economico: acceso na financiamiento pa MKB; un clima faborabel pa negoshi y inversion; un mercado

laboral cu ta funciona bon; digitalisacion y disponibilidad di data pa politica y checucion; inversionnan infrastructural na Sint Maarten (Trustfonds); conocimiento institucional y resiliencia; y innovacion (cadena di hidrogeno berde na Corsou).

Pa loke ta trata acceso na financiamiento pa MKB, Secretario di Estado Szabó a splica cu e gabinete ta duna sosten na e economia di e paisnan door di pone disponibel e Borgstelling MKB-Kredieten pa Aruba, Corsou y Sint Maarten (BMKB ACS) despues di e zomer di 2025.

E programa aki, el a sigui splica, cu ta existi caba pa Hulanda, Boneiro, Saba y Sint Eustatius, lo ser introduci pa e paisnan autonomo den Reino tambe, debi na e falta di posibilidad di financiamiento pa negoshinan chikito y mediano (MKB).

El a indica cu hopi negoshinan ta haya dificil pa inverti y crea crecimiento, loke ta stroba diversificacion di economia. Cu e BMKB-regeling, MKB lo haya un miho acceso na capital. E criterio pa e programa aki a ser aproba door di e Rijkswet financieel toezicht.

El a indica cu den cuadro di e Landspakketnan, Aruba, Corsou y Sint Maarten ta trahando hunto pa simplifica e regulacionnan riba negoshi y inversion, manera digitalisa e procesonan di permiso. El a agrega cu tambe tin trabou riba reforma di sistema fiscal y modernizacion di servicio di impuestonan.

Esaki ta yuda pa tene regulacion mas manehabel y pa mehora e clima di inversion y moral di impuestonan. El a remarca cu un gobierno cu ta recoge suficiente impuesto ta fundamental pa autosuficiencia economico.

Secretario di Estado Szabó a menciona cu na Aruba, ta trahando riba e Agri Innovation Park, cu ta stimula produccion local di berdura y fruta cu tecnologia innovativo. Esaki ta contribui na un sector agricola sostenibel, ta reduci dependencia di importacion y ta duna sosten na empresarionan agricola cu



tecnologia moderno.

Tocante e tema di mercado laboral, el a indica cu den cuadro di e Landspakketnan, ta traha riba diferente manera pa mehora e mercado laboral.

El a splica cu door di modernisa e mercado laboral, por ehempel cu introduccion di regulacion nobo pa contratonan temporal y miho condicionnan laboral door di gobierno, e proceso di permiso pa trahado externo lo bira mas lihe, y lo bira mas facil pa atrae migrantenan cu experiencia y conocimiento. El a agrega cu Hulanda tambe ta traha cu e Ministerio di Enseñansa, Cultura y Ciencia pa mehora e sistema di educacion y e conexion entre educacion y e mercado laboral.

Pa reforsa desaroyo economico, Secretario di Estado Szabó a indica cu e paisnan ta trahando hunto pa mehora e coleccion di data y pa formula politica basa riba evidencia.

Cu esaki, tin trabou pa reforsa e Sistema Nacional di Estadistica; mehora e base di dato original, intercambio di dato na un manera digital, seguro y eficaz, y actualisacion di e regulacionnan di estadistica pa publicacion di data esencial pa politica.

El a agrega cu ademas, e paisnan autonomo den Reino ta trahando hunto pa un maneho centralisa di e

gobierno digital, cu ta inclui refuerzo di e organisacionnan Chief Information Officer (CIO) y mehoracion di servicio digital na ciudadano- y negoshinan.

Por ultimo, el a remarca cu pa logra desaroyo sostenibel, e paisnan mester ta involvi y duna importancia na conocimiento institucional. El a subraya cu Hulanda ta duna sosten pa reforsa e capacidad institucional y resiliencia den e paisnan.

Ademas, el a agrega, Hulanda ta duna sosten na iniciativa pa mehora colaboracion y intercambio di informacion entre Aruba, Corsou y Sint Maarten riba desaroyo economico sostenibel. Un conferencia di trabou cu a tuma luga na Sint Maarten na final di januari a sirbi como prueba di e colaboracion.

El a indica cu e Caribbean Regional Technical Assistance Centre (CARTAC) di IMF tambe ta contribui na e capacidad institucional y resiliencia di Corsou, Aruba y Sint Maarten. CARTAC ta duna entre otro formacion den area di regulacion fiscal, estabilidad financiero y macro-economia.

El a menciona cu un donacion reciente di Hulanda di 1.5 miyon euro, Hulanda ta sigui yuda e trabou di CARTAC. Tambe, e paisnan autonomo mes a contribui 0.75 miyon dollar cada uno.

Expectativa halto pa posibel anuncio di gobierno nobo:

Awe formadornan ta reuni cu Gobernador di Aruba pa presenta un acuerdo di gobernacion definitivo

Awe 13 di maart ta e fecha cu formadornan di gobierno, Gerlien Croes y Mike Eman, mester reuni cu Gobernador di Aruba, SE Alfonso Boekhoudt, pa presenta na su persona e acuerdo di gobernacion definitivo. Despues di a pidi un prolongacion, ainda no tin claridad riba un acuerdo di gobernacion, y segun informacion cu ta circula, e proceso aki por tuma mas tempo ainda debi na screening di candidatonan pa minister.

Manera ta conoci 13 di januari ultimo Gobernador di Aruba a apunta Gerlien Croes y Mike Eman como formadornan y a duna nan e encargo pa forma un gabinete stabiel cu tin e confiansa di e fraccionnan di AVP y FUTURO den Parlamento y cu ta consisti di personanan cu ta dispuesto y capaz pa implementa un maneho financiero-economico solido, cu atencion pa costo di bida na Aruba.

Parti di e encargo di formacion ta trahamento di un acuerdo di gobernacion entre AVP y FUTURO y un reparticion di cartera dentro di e gabinete nobo. Finalmente, e elegibilidad di candidatonan pa e funcion di minister y di minister plenipotenciario mester ser evalua previamente a base di e exigencianan y proceduranan stipula den e "Landsverordening integriteitministers".

Inicialmente Gobernador di Aruba a duna como fecha deadline 18 di februari pa e formadornan informa Gobernador Boekhoudt por escrito tocante nan conclusionan. E fecha aki a ser prolonga despues cu e formadornan a reuni cu Gobernador



Boekhoudt, dia 18 di februari, pa entrega un tussenrapportage mirando cu e proceso ainda no a finalisa y a asina a haya te 13 di maart, awe, pa presenta e acuerdo di gobernacion definitivo.

E formadornan a tene reunion cu mayoria stakeholder den comunidad, cual te cu dialuna ultimo ainda tabata tumando luga. Pa hopi e proceso aki a tuma un tempo demasiado largo, cual varios politico a critica tambe teniendo na cuenta cu tin decisionnan importante cu mester ser tuma cu tin deadline, manera por ehemplo e acuerdo di Rijkswet hibrido cu mester ser entrega prome cu 1 di mei di e aña aki.

Un aspecto cu segun e formadornan a indica ta retrasa e anuncio di e gabinete nobo ta e proceso di screening, cual segun Croes a indica anteriormente lo tuma mas di loke nan a calcula.

E proceso cu ta delinea pa ley, manera cu e ley a ser aproba na 2021, a cuminsa cana despues cu e formadornan a entrega e tussenrapportage na Gobernador Boekhoudt. Segun Croes a indica e momento ey, hunto cu e proceso ey tabatin diferente fase pareu ta cana tambe a, ademas di a continua cu e consultanan cu e stakeholdernan y a menciona cu tambe tabata den preparacion e documento oficial di un acuerdo di gobernacion. El a agrega e momento ey cu banda di esey lo a cuminsa cana e proceso di e posibel candidatonan pa minister y tabata spera cu pa dia 13 di maart, awe, nan lo finalisa e ronda.

Dialuna atardi, despues di a tene reunion cu stakeholders, e formadornan a duna declaracion na prensa presente. Segun e noticiario local Noticia Cla a raporta, Mike Eman a indica ainda falta basta den e proceso screening prome cu esaki por keda cla. Esaki a pone den duda si durante nan reunion cu Gobernador di Aruba e formadornan por presenta ken ta e personanan cu lo forma parti di e siguiente gabinete. Esaki, tambe tin consecuencia ya cu sin cu e proceso di screening finalisa, Gobernador Boekhoudt no por duna un fecha pa huramentacion di e gabinete nobo.

Riba rednan social y den me-



dionan di comunicacion local ta circula informacion cu posiblemente tin candidatonan pa minister cu tabatin problema pa pasa e proceso di screening. Segun e portal di noticia local, Eman a indica cu e no tabata na a altura di algo asina. Na mesun momento el a señala cu tur candidato pa minister si a logra pasa nan screening medico, pero pa loke ta e otro aspectonan, e no por a duna ningun detaye.

E proceso di screening, despues cu a pasa e ley pa esaki na 2021, a bira uno hopi mas riguroso. Segun informacion e proceso aki no solamente ta screen e candidato su background, pero tambe ta screen su famia cercano, casa of pareha, mama, tata, ruman, y por hasta bay te na famia di e pareha of casa di e candidato.

Manera ya caba menciona e factor tempo ta pone un presion tambe riba e formacion di gobierno. Un di e aspectonan cu mas presion ta pone ta e fecha deadline di 1 di mei pa e Rijkswet cu Hulanda ta un topico cu ta di gran preocupacion. Croes a indica durante su declaracion na prensa despues di su ultimo reunion cu gobernador e topico aki ta uno cu ta regarda e gabinete completo y cu tabata poni hopi halto den agenda.

El a indica e momento ey cu ora ta papia di un Rijkswet es-

aki no ta descarta full e gabinete awor cu tin cu bay den negociacion, y cu e contacto cu Hulanda tin cu continua.

Croes a bisa cu nan tambe ta sinti e pura y tin algun desaroyo cu e proceso di Rijkswet. El a referi na e rapport cu mester a keda cla di IMF, e rapport cu tur hende tabata sperando, no solamente Aruba pero Hulanda tambe, pero el a dura mas tempo di loke a spera y locual ta aplasa e proceso completo di loke ta tratamiento di e Rijkswet.

"Nos ta pendiente tanto di loke ta e rapport aki pero tambe na mesun momento teniendo tur e consultanan cu nos ta teniendo y den plan y ideanan ya caba ta bezig cu algun voorwerk. Internamente los di como formador, tin gruponan di trabou di partido cu na e momentonan aki ya ta haciendo huiswerk cu pa ora e momento yega bo ta full prepara caba pa loke ta e proposicionnan cu bo tin y pa continua bon argumenta y bon documenta cu e negociacionnan cu bo kier hiba cu Hulanda," el a bisa e momento ey.

Expectativanan ta halto e resultado di e proceso aki y posibel anuncio di un gabinete nobo awe despues cu e formadornan reuni un biaha mas cu Gobernador di Aruba SE Alfonso Boekhoudt. Esaki ta un noticia den desaroyo, keda pendiente pa mas informacion.



Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)

Angenette Figueroa (closer editor)
Leo Maduro

Raisa Montilla

Oriana Geerman

Ehecutivo di Benta

Sulaika Croes
sulaika.croes@cspnv.com
Mark Gomes
mark.gomes@cspnv.com

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion

accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirks

Colaboracion

Associated Press

Ret Karibense

Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800

Email: noticia@bondia.com
aviso@bondia.com
info@bondia.com

Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.



Editorial

Legaliza ilegal ta... Parti di problema so...

Porfin nos por mira di actividad riba tereno di e presencia di miles di persona indocumenta na nos isla, di cual gran parti aparentemente ta trahando. E señal aki no ta bin di parti di e partidonan cu ta formando gobierno, pero ta igualmente importante pa tuma nota di esaki. Den splicacion di su punto di vista e parlamentario pa e partido opositor di un asiento corectamente ta señala, loke ta refleha tambe den e titulo di e editorial aki, cu atende e indocumentadonan ta solamente parti di e problema. Banda di esey ta keda e problema grandi di e aumento fuerte di demanda laboral den e proximo tempo. Esey naturalmente si e perspectivanan economico keda mescos, loke cu e problemanan menazante na nivel internacional de repente no ta asina sigur mas tampoco. En todo caso, ambos aspecto ta exige un maneho cu riba papel so ta muestra fuerte y bon formula, sino tambe ehecuta di manera efectivo.

Esaki ta trece cune un serie di pregunta clave cu lo mester haya contesta y ta di spera cu e proximo gobierno ta haci exactamente esey, caso contrario nos no lo por maneha e asunto aki y na e momento aki por bisa cu 'the stakes are high'. Esey no solamente pasobra no tin un gobierno nobo y no sa ainda kico ta bay haci of no. E ta di suma importancia pasobra lo mester bin un contesta gubernamental riba e problematica poblacional cu nos tin nos dilanti cu e proximo aumento grandi di e poblacion legalmente presente, cu ta hiba nos poblacion di alrededor 107.000 persona na mas di 120.000 pa 130.000 persona. Tur esaki ta tuma lugar a base di inmigracion pasobra Aruba practicamente no tin un crecimiento natural mas, cu nacemento y fayecimento na mas o menos mesun nivel. Dentro di no mucho tempo esnan naci na Aruba lo ta un minoria den nan propio pais.

E problema a corto plazo no ta ingreso pa gobernacion en general; impuesto di salario y prima pa AOV y AZV lo aumenta considerablemente y lo aporta mas ainda na e aparente era di bonanza cu gobierno ta experimentando. E problema pa despues ta: ken nos ta laga drenta desde awor? E politico menciona tambe a trece esaki dilanti pero e no ta un novedad pasobra a toca e tema aki anteriormente, entre otro den un rapport di Camara di Comercio di 2007, unda ta haci e sugerencia pa enfoca riba importacion di hende hoben, eventualmente cu pareha y yiu, cu por contribui pa hopi aña na nos pais y no lo bira un peso pa e comunidad ora nan ta grandi, cu un miserable entrada di pension parcial so, loke awendia ta un di e problemanan creciente

cu nos tin. E problema practico grandi cu nos ta mira ta cu den mas di binti aña nos no a mira voluntad den gobierno y politica en general pa pensa y expresa opinion realistico y efectivo. Ta parce cu tabata mas facil keda keto y laga henter e proceso di aumento di nos economia tuma lugar hopi mas aya di nos capacidad como comunidad, pasobra tur gobierno den e dos decadanan ey tabata fiha solamente riba con pa crece economicamente. Mientras tanto gobierno(nan) tabata equipa delegacion pa conta den exterior con hopi nos isla tabata traha riba un futuro basa riba 'desaroyo sostenible', y esnan cu berdaderamente tabata comprende algo di e materia aki tabata contempla cu horror loke nos mandatarionan tabata haci. Claro cu cada un di e gobiernonan tabata culpa nan antecesornan di a emiti tanto permiso pa hotel, mientras cu durante tur e añanan ey y te awe, esnan cu ta muestra preocupacion pa e desaroyo obviamente 'no-sostenible' cu Aruba tin hopi aña ta creando, a y ta keda marca como esnan cu ta 'pone nos economia na peligro'...

Pero, tur esaki ainda ta laga nos cu e pregunta con pa haci pa hiba e proceso di integracion aki di bon forma. Laga nos cuminza pa bisa cu loke nos a mira te awe di 'integracion', aunke tabatin un cartera cu e nomber ey, tabata nulo. No a maneha e entrada di principalmente e ciudadanonan Venezolano na un manera contundente, sino cu e tabata mas un wega incomodo entre no reconoce migrante como refugiado pero di otro banda si permiti nan na nos isla pa busca nan caminda den e forma magico di semper di 'sálvese quien pueda'. Wel, aparentemente mayoria a sa di salba nan mes y a construi un bida, ilegal o indocumenta, con cu bo kier yam'e, bao nanishi di nos autoridadnan cu a opta pa laga e asunto asina.

Sin embargo, a yega e momento di actua. Muy probablemente lo tin mas politico cu tambe lo ta yega na e conclusion cu no por sigui asina. E siguiente problema ta cu gobernacion, y hopi di nos empresarionan, ta demasiado custumbra cu e modelo bieu di atende solicitante cu a yega aki riba nan mes, mas tanto como turista pero tambe via costa. Asina no por yega na maneho diferente nunca. Ademá esaki por hiba nos atrobe na abuso empresarial y clientelismo politico. Pareu cu nos politiconan convence cu mester cambia strategia, nos lo mira, mescos cu den pasado, e bataya pa logra 'mara e voton di futuro' aki, a base di parti favor politico den 'maneho di integracion'. Nos por a mira caba con e unico ministro cu tabata boga pa legalizacion di persona indocumenta, mester a retira pa atende su asunto cu husticia hustamente riba e tereno aki. Tempo pa porfin siña...?

Prome minister a lidera delegacion di Reino Hulandes na Nacionnan Uni

Diadomingo atardi, Prome Minister Evelyn Wever-Croes a biaha pa New York pa atende cu e conferencia di "Commission on the Status of Women".

Di tur parti di mundo lider di paisnan ta na New York pa atende e conferencia anual di Nacionnan Uni den cual ta trata e posicion di mucha muhe y hende muhe.

Prome Minister a atende e



conferencia aki varios biaha caba, y como un minister president femenino, sem-

per a duna un contribucion valioso. Alabes Prome Minister ta lidera e delegacion di

Reino.

E conferencia e aña aki ta hopi particular, mirando cu ta 30 aña di Beijing Declaration and Platform for Action.

Durante di e conferencia di e Commission on the Status of Women, e enfoke principal lo ta pa evalua e implementacion di e Declaracion di Beijing.

Lo enfoca riba e retonan cu ta stroba e implementacion pa

por yega na trato y oportunidadnan igual pa mucha muhe y hende muhe y empoderamento di hende muhe.

Prome Minister a indica cu mirando cu e formacion di e gobierno nobo ta tumando hopi mas largo cu a premira, gobernacion mester continua. "Mi compromiso ta cu pueblo di Aruba, y special mucha muhe y hende muhe, te na e ultimo dia di nos gobernacion" Prome Minister a indica.

UNESCO Aruba ta lansa un proyecto innovativo pa Aruba cu ta trata comunicacion y informacion

UNESCO Aruba ta anuncia e lansamento di e proyecto innovador: Comunicacion y Informacion como un bienestar general: Diseñando un cuadro Nacional di Comunicacion pa Aruba.


E proyecto aki, aproba door di UNESCO (Paris) den 2024 como parti di e Programa di Participacion 2024-2025, ta basa riba e principio cu UNESCO su comunicacion y informacion (C&I) como un bienestar publico esencial cu ta permiti participacion democratico, decision informa y trece un comunidad solidario.

Como un isla chikito den desaroyo (Small Island Developing States, SIDS), e eco-sistema di comunicacion y media di Aruba ta evolucionando.

Estudionan ta indica pa fortalece e eco-sistema di comunicacion di Aruba, ta fundamental pa garantiza acceso na informacion confiable, promove periodismo independiente y crea un espacio di comunicacion inclusivo.

E proyecto aki tin como meta pa duna un plataforma di dialogo riba con por fortalece politica di comunicacion structural, mehora transparencia y brinda sosten na acceso di informacion, libertad di expresion y periodismo independiente na un manera colectivo y inclusivo.

Den e proyecto aki, partnernan, incluyendo miembronan di sociedad civil (di diferente grupo di edad), periodista, funcionario cu ta crea



politica, sector priva y otro partner clave, lo traha hunto pa identifica oportunidadnan pa mehora e aspecto aki y pa sigura cu comunicacion ta sirbi interes publico den un manera inclusivo y sostenibel.

E proyecto lo desaroya den varios fase, incluyendo: Investigacion amplio pa eval-

ua e paisahe actual di C&I. Entrevistanan cu expertonan pa reconoce perspectivanan di esnan den e tereno. Sesionnan interactivo cu miembronan di sociedad civil, periodista, funcionario cu ta crea politica, educadornan, NGO-nan y representantenan di sector priva.

A traves di dialogonan struc-

tura y actividadnan colectivo, participantenan lo explora oportunidad pa fortalece transparencia, acceso na informacion y promove miho conocimiento den e area di comunicacion na Aruba.

Unesco Aruba ta encurasha participacion amplio di e comunidad y ta invita tur partner interesa pa forma parti di un bishita transformativo aki pa logra un sociedad mas transparente, informa y haya mas conocimiento riba e area di comunicacion. Bo voz ta importante!

Pa mas informacion tocante e proyecto y oportunidad di participacion, por tuma contacto cu UNESCO via (+297) 528-3524 of info@unesco.aw of b.kreykenbohm@unesco.aw

Rescate di dos turista riba waverunner

Wardacosta Caribe Hulandes diamars atardi a ricibi un notificacion di un compania di watersport den area di Eagle Beach, indicando cu tin dos turista perdi riba lama.

E compania di watersport mes a bay busca e dos turista riba lama y a encontra un waverunner, pero no tabatin ningun persona ariba. Mesora e Centro di Operacionnan (MOC) di Wardacosta a di-

rigi e helicopter y un Metal Shark pa busca e dos turista riba lama.

Durante e buskeda a bin encontra e otro waverunner 3 miya for di costa di Hadicurari, cu un hende homber so ariba dje. Ya na e momento ey solo a baha, locual a cuminsa dificulta e buskeda pa e dos persona.

Dado momento e helicopter a mira un hende homber den lama na mas o menos 2.7 miya for di costa y MOC a dirigi e Metal Shark pa bay saca e homber for di lama. Esaki a resulta di ta e otro turista hende homber cu tabata perdi.

Ora a saca e homber for di awa, e homber aki a indica cu



e no tabata sinti su curpa bon. Mesora e helicopter di Wardacosta a bin busca e homber riba e Metal Shark pa hiba e homber aki aeropuerto, caminda un am-

bulance tabata warda riba dje pa hib'e hospital.

Wardacosta ta desea e persona pronto recuperacion.



Peticion pa aprobacion di un plan di parcelacion na Bushiri conforme art. 33 di e Ordenanza di desaroyo territorial (LRO). E concepto di e plan di parcelacion ta poni pa inspeccion publico na **DIP, Sabana Blanco 68**, cu reserva di tur derecho cu cambianan por wordo hasi na e parcelacion, durante un luna desde dia 13 maart 2025 durante oranan di trabao. Tambe e plan por wordo mira riba www.dip.aw. Interesadonan por entrega te cu un luna despues di e termino aki nan punto di bista por escrito tocante e concepto di e plan di parcelacion serca Ministro di Asuntonan General, Organizacion Gubernamental, Infraestructura i Planificacion Ambiental pa medio di e director di DIP.

HOH ta anuncia proyecto di un Centro di dialisis nobo

Durante luna di maart ta pone atencion riba Dia Internacional di Riñon cual e aña aki ta diahuebs dia 13 di maart. En conexion cu e luna aki, Horacio Oduber Hospital (HOH) a mira e oportunidad pa anuncia y comparti cu comunidad di Aruba cu pronto lo start riba un Centro di dialisis nobo.

E proyecto aki a inicia algun tempo atras unda cu a sondea diferente posibilidad pa amplia y trece hunto e clinica di Dialisis y e policlinica di Nefrologia asina brinda servicio na pashent na mesun lugar. Esaki ta cuadra cu e vision di HOH esta "Accessible healthcare for everyone without compromising on quality".

Proyecto "state of the art" "Den luna di maart nos ta pone atencion riba e Dia Internacional di Riñon y ta p'esey a scoge awo pa anuncia y comparti cu comunidad e proyecto nobo aki", asina Gregory Croeze, miembro di Hunta di Directiva di HOH, a inicia bisando. Ademá el a comenta cu inicialmente e espacio riba piso 5 tabata programa pa bira oficina pero a prefera pa cambia di idea y destina e piso aki cu un bunita bista pa nos pashentnan di dialisis. E team encarga cu e proyecto pa e Centro di dialisis aki ta consisti di colega



di diferente departamento pa percura cu ta cubri tur e puntonan necesario pa e ta un éxito.

E pashent na prome luga "Como nefrologo mi ta hopi contento cu e proyecto aki", asina nefrologo Romeo Kock a inicia bisando. E ta hopi gradicido cu Hunta di Directiva a tuma e decision pa expande y crea un espacio pa asina HOH haya un "state of the art dialysis center". E centro nobo lo ta ubica riba e di cinco piso di e edificio principal di Horacio Oduber Hospital, esta den Toren A.

Dokter Kock ta di pensamentu cu riba di cinco piso pashentnan lo sinti nan mes mas contento cu'n espacio mas amplio y cu un bunita bista di Aruba. Alabes tin idea pa introduci innovacion den trata-

mento y door di incorpora e policlinica akinan tambe, lo trece cune mehoracion den comunicacion y, intercambio di informacion entre nan tur, esta e specialistanan, e nurse-nan y sigur e pashentnan.

Experiencia di pashent JaccoVroegop, Presidente di Hunta di Directiva di HOH, a expresa cu pronto lo cuminsa cu e destaho publico pa despues cuminsa cu e construccion. E ta spera cu denter di un aña lo por atende e prome pashent den e Centro di dialisis nobo aki. Vroegop a splica cu parti di e vision di HOH ta encera tambe hospitalidad. Pronto e pashentnan cu ta tuma dialisis tres biaha pa siman no lo mester sinta wak muraya mas manera ta e caso awo, pero lo por tin un experiencia mas bunita cu e bista di nos lama. Esaki tambe



ta yuda pa haci e experiencia uno hopi mas placentero, pues un bunita proyecto na beneficio di nos pashentnan di dialisis y no lubida, tambe pa esnan cu ta bishita nos isla y tin mester di dialisis durante nan vacacion.

Finalmente Hunta di Directiva ta gradici tur stakeholder interno cu ta trahando duro

riba e proyecto aki. Tambe team di HOH ta recorda tur hende cu bo riñon ta mantene bo saludabel pues cuida nan. Bebe suficiente awa, come saludabel y haci ehercicio. Horacio Oduber Hospital ta contento cu un otro paso importante den mehora servicio y calidad di cuidu medico pa Aruba henter y alabes pa tur cu ta bishita nos isla.

Maroco ta combati brote di sarampi memey di desinformacion di vacuna

(AFP)—Autoridadnan na Maroco ta luchando pa contene un brote di sarampi, un malesa contagioso y posiblemente fatal cu casi a ser eradica den Reino Uni pero a surgi atrobe mientras gradonan di vacuna ta cay.

Sarampi ta hopi contagioso y ta plama via drop respiratorio y ta keda den aire pa te cu dos ora despues cu un persona infecta bandona e area. E malesa ta causa keintura, sintomanan respiratorio y un rash. Den algun caso, esaki por resulta tambe den complicacion severo, incluyendo neumonia, inflamacion cerebral y morto.

Aunke vacunacion ta keda e miho proteccion contra e malesa, gradonan di inmunizacion a cay durante e ultimo añanan. E duda den vacuna ta ser stimula pa desinformacion, cual a keda presente desde e pandemia di COVID-19.



Miedo di vacuna Na Maroco, autoridadnan a aumenta vacunacion contra sarampi den e ultimo lunanan den un esfuerso pa controla e brote. Mas di 10 miyon mucha a haya chequeo riba nan inmunizacion desde october aña pasa, segun Mourad Mrabet, un oficial na e Centro Nacional pa Emergencianan di Salud Publico.

Desde fin di 2023, autoridadnan den e pais Noord Africano a reporta mas di 25,000 caso di sarampi y 120 morto,

Mrabet a bisa. E brote a causa preocupacion den Francia, e ex-gobernante colonial di Maroco y inversor principal y partner comercial.

E agencia di salud publico na Francia a describi cu e epidemia ta yegando "nivelnan historico" y a urgi biaheronan pa check nan status di vacunacion prome cu bishita e reino. Autoridadnan Maroco ta bisa cu e cantidad di infeccionnan nobo a cay gradualmente den e ultimo simannan. Nan a priminti pa

continua cu nan programa di vacunacion te fin di maart cu e meta pa logra un cobertura di 95%, suficiente pa inmunidad comunitario.

Pero nan ta reconoce si cu ainda tin trabao pa haci. E ministerio di Salud a bisa cu solamente mira di e esnan rekeriendo un booster a ricibi un pa comienso di maart. Na januari, e vocero gubernamental Mustapha Baitas a culpa "informacion falso cu ta stimula miedo di vacuna."

Mrabet a atribui esaki na "e influencia di e movimiento anti-vax global."

Na Merca, un aumento den desconfianza di politica di salud publico y companianan farmaceutico a contribui na e caida di gradonan di vacunacion. Na februari, un mucha no vacuna a muri di sarampi na Texas, unda un brote ta andante. Y siman pasa, un adulto for di New Mexico—cual ta e estado bisiña di Texas—tambe a muri di e malesa.

"Acusacionnan deceptivo" Pa aborda desinformacion, oficialnan Marocano a lansa campananan di conscientizacion, incluyendo den diferente scol, pa splica e importancia di vacunacion.

E hefe di e programa di salud di e ministerio di Educacion, Imane El Kohen, a bisa cu un di e "acusacionnan deceptivo" tabata e declaracion cu e vacuna di sarampi ta un di cuatro dosis di e vacuna contra Covid.

Hasna Anouar, un nurse na Harhoura, tabata envolvi den un programa di chequeo di status di vacunacion pa varios aña. El a bisa cu prome cu e pandemia di COVID-19, no tabatin hopi resistencia pa inmunizacion rutinario pa muchanan. Pero awor, algun mayor a desaroyo un "miedo di vacuna," el a bisa. "Nos mester sinta cu nan y splica cu e inyeccionnan aki ta necesario."

Dos mil cacho sterilisa na Corsou pa e proyecto Bienestar di Animal

(Curacao.nu) – Den e cuadro di e proyecto Bienestar di Animal, dos mil cacho a ser sterilisa gratis te awor. E iniciativa aki ta un colaboracion entre Stichting Rescue Paws Curaçao, Stichting Dierenhulp Curaçao y Ministerio di Salubridad, Medio Ambiente y Naturalesa.



E cacho Lily a ser registra como e di dos mil cacho sterilisa. Cu e campaña aki, e meta ta pa reduci e sobrepoblacion di cacho riba caya na Corsou.

Ley di bienestar di bestia
For di 1 di januari 2023, e Ley di Bienestar di Bestia ta

na vigor na Corsou. E ley aki ta reconoce cu bestianan tin balor intrinseco y cu nan ta sernan cu sentimento cu ta merece cuida. Consecuentemente, doño di bestia tin un obligacion legal pa cuida nan bestia.

Corsou ta enfrente un problema grandi cu sobrepobla-

cion di pushi y cacho. E situacion aki ta, entre otro, un consecuencia di falta di esterilizacion na tempo di bestianan domestico, door di falta di conocimiento of medionan financiero di nan doñonan. Plan pa controla e problema Pa lucha contra e sobrepoblacion di bestia, un plan amplio

a ser desaroya cu ta consisti di cuater pilar principal. Na prome lugar, lo enfoca riba duna informacion y educacion, caminda comunidad ta ser informa tocante leynan di bienestar di bestia. Pa medio di trece conscientisacion na comunidad tocante nan responsabilidadnan como doño di mascota, ta spera cu lo tin un aumento den cumplimiento di e reglanan aki.

Adicionalmente, identificacion y registro ta hunga un rol crucial. Mascotanan ta ser registra den un base di dato central, cu lo no solamente yuda pa trace e doñonan, sino tambe pa preveni animalnan ser laga riba caya.

Un otro aspecto importante ta e programa di esterilizacion. Pa yuda controla e crecemento di e poblacion di animal, lo purba di haya control ariba e poblacion di bestia cu ta sigui crece pa preveni problema den futuro.

Na ultimo, lo tin enfoca riba control y aplicacion di e ley. Segun nan, ta controla severamente pa cumplimiento di e ley di bienestar di bestia, y ora ta necesario, ta tuma medida pa corigí fayonan. Cu e metodologia combina aki, e institucionnan involucra ta spera di contribui structuralmente pa un mihor futuro pa bestia na Corsou.

Corsou: Minister di Finanzas Sylvania a ataca Antilliaans Dagblad atrobe

(Curacao.nu) — Minister di Finanzas, Javier Sylvania, a ataca Antilliaans Dagblad pa di dos biaha e siman aki, acusando e corant di duna informacion incorrecto. Despues di a duna su critica tocante e manera cu nan a relata tocante e Dog Centre di aluna, awor e ta critica e interpretacion di un risicomatrix prepara pa su

ministerio.

Segun Sylvania, e corant no a pone e matrix den su contexto corecto, resultando den conclusionnan incorrecto. E risicomatrix ta contene un analisis di e efectonan financiero di e ceramento di refinaria bou di e gubernacion anterior, incluyendo un reduccion di ocho porciento den balor agrega di GDP y



perdida di miles di trabou. E ministerio ta enfatisa cu e consecuencianan aki ya a ser incorpora den e presupuesto gubernamental y no por ser relaciona cu e plan actual di

apertura di 2BAYS, doñonan nobo di e refinaria (antiguo RdK). Sylvania ta subraya cu e plan aki ta mas bien pa compensa e perdidan anterior y no ta trece ningun riesgo adicional.

E ta expresa su lamento cu partido politico MAN/PIN ta usando e interpretacion robes di e corant pa pone premier Gilmar Pisas y Sylvania mes den un luz negativo.

Antilliaans Dagblad tin contraatake

Antilliaans Dagblad a sali awe cu un analisis editorial, caminda nan ta cualifica e tension rond di Curaçao Medical Center (CMC), causa pa minister Sylvania, como innecesario. E corant ta argumenta cu e preocupacionnan rond di CMC ta exagera y cu e situacion no ta mesun grave manera Sylvania ta present'e.

Cunukero na Boneiro tambe por haci uso di aplicacion special

(Bonaire.nu) – Boneiro ta participa cu Aruba y varios pais Europeo den e proyecto Phito Europeo, cu a cuminsa na 2023. E iniciativa aki ta enfoca riba desaroyo di un aplicacion mobil pa cunukero, cu obhetivo di apoya agricultura sostenibel y gana-

deria. LVV Beiro ta representa e isla den e proyecto.

Den october 2024, LVV a organisa un reunion unda cunukero y stakeholders a comparti nan deseo y idea. Un sugerencia cu a ser menciona varios biaha ta un sistema di notificacion cu ta avisa cu-



nukero cu pronostico di yobida. Basa ariba e input aki, a desaroya un prome version di prueba di e Phito App.

Test
Desde februari LVV Boneiro a duna oportunidad pa cunukero local pa test e version di prueba di e aplicacion. A

traves di combersacion y reunionnan chikito, nan por a test e aplicacion y duna feedback ariba e funcionalidad y comodidad di uso. E input aki ta bay ser procesa den un version mehora cu ta spera di ser lansa e verano aki.

Corsou: Sindicato di Enseñansa DOEN ta exige claridad tocante tredemaand

(Curacao.nu) – Sindicato di Enseñansa DOEN tin critica riba gobierno di Corsou pa motibo di falta di aclaracion tocante e tredemaand pa do-

centenan. Segun president Marbella Felipa, for di januari 2024 a pidi repetidamente pa un reunion cu minister Shalten Hato, kende ta en-

carga cu Asuntonan Interno, Planificacion y Servicio, pero te ainda sin ningun resultado.

Pa motibo di esaki, e sindicato a dicidi pa tuma e iniciativa pa dialoga directamente cu tur partido politico cu ta participa den eleccion.

Durante un reunion, e sindicato a presenta e puntonan principal di e consulta, incluyendo e derecho riba e tredemaand. Felipa ta enfatisa cu docentenan, mescos cu otro empleado publico, tin derecho riba e condicion laboral aki. Den october 2024, den plataforma gubernamental GOA, un acuerdo cu a firma na januari 2024 a



keda reconoci como e aña di prestacion. Esaki ta nifica cu empleado cu tabata den servicio pa 7 luna entre januari y juli 2024, tin derecho riba e tredemaand.

Den practica, ta resulta cu empleado publico den otro sectornan a ricibi nan tredemaand completamente, mientras cu docentenan ainda no a haya nada. Esaki ta

causando hopi malcontento den e sector. E sindicato ta enfatisa cu segun un reglamento interno, empleado cu a traha por lo menos 6 luna tin derecho riba e tredemaand. Felipa ta menciona cu esaki ta prueba cu e sector di enseñansa no ta ser trata cu mesun consideracion den decisionnan di GOA.

A pesar di promesanan di sindicato di empleado publico SAP y STRAF, cu a firma e acuerdo na october 2024, e docentenan ainda no a ricibi ningun clarificacion. Sindicato DOEN ta sigui insisti pa un reunion y ta pidi partidonan politico pa duna claridad tocante e situacion.



Peticion pa aprobacion di un plan di parcelacion na Bubali conforme art. 33 di e Ordenanza di desaroyo territorial (LRO). E concepto di e plan di parcelacion ta poni pa inspeccion publico na **DIP, Sabana Blanco 68**, cu reserva di tur derecho cu cambianan por wordo hasi na e parcelacion, durante un luna desde dia 13 maart 2025 durante oranan di trabao. Tambe e plan por wordo mira riba www.dip.aw. Interesadonan por entrega te cu un luna despues di e termino aki nan punto di bista por escrito tocante e concepto di e plan di parcelacion serca Ministro di Asuntonan General, Organizacion Gubernamental, Infraestructura i Planificacion Ambiental pa medio di e director di DIP.

Cifranan di criminalidad na Boneiro ta muestra tendencia preocupante



(Bonaire.nu) – Diamars merdia, Boneiro a mira un aumento preocupante den varios cifra di criminalidad, segun un rapport di Korps Politie Caribisch Nederland (KPCN) durante un presentacion.

Un di e aumentonan mas notable ta e casonan di maltrato domestico; hefe di Opsporing, Steven Senior, a indica cu e cantidad di keho a duplica compara cu aña pasa. “Un di e motibonan ta cu mas hende ta bini dilanti pa haci denuncia,” Senior a bisa. “E aumento ta atribui na e disposicion di e victimanan pa expresa nan mes, a pesar di e dependencia financiero cu tambe ta un factor.”

Aunke tambe a haya un aumento den e cifranan di robo di vehiculo. En total, na 2024 tabatin 138 denuncia, cu ta casi dobel di e cantidad di 2023, cu a duplica tambe en comparacion cu 2022. Tambe e intento di robo a aumenta compara cu e aña anterior. Un tendencia prominente ta un aumento den robo na lugar di duik. Na 2024, 54 robo a keda reporta na e lugarnan di duik, mientras cu na 2023 tabatin solamente 10.

Aumento den inbraak y delito di violencia

E aumento den criminalidad no ta limita solamente na robo di vehiculo. Tambe e cantidad di inbraak– tanto den compania como den cas

– a subi, asina tambe e intento di inbraak, malversacion, estafa y traficacion.

Un tendencia preocupante ta e duplicacion di intento di homicidio na Boneiro, cu 18 reporte na 2024.

Sinembargo, a haya algun noticia positivo den e cifranan riba maltrato infantil. Na 2024, a haya un disminucion significante den cantidad di denuncia compara cu 2023, loke por ta un señal cu hopi speranza.

Delito hubenil y uso di arma

Aparte di violencia domestico, KPCN tambe a trata cu cifranan riba criminalidad

hubenil y uso di arma. Un aumento a ser nota den incidentenan cu uso di arma di candela, unda menor di edad tabata involucra. “Nos ta preocupa pa cu esaki” hefe di cuerpo policial Braaf a bisa, kende a indica cu e aumento ta mas grandi cu e aumentonan di añanan pasa. Sinembargo, no a comparti cifranan concreto. KPCN a indica cu lo duna mas informacion mas despues.

Alcohol y trafico

KPCN tambe a discuti e efectonan cu nan ta spera di logra cu e informacion riba uso di alcohol den trafico. Tur siman, incidentenan unda alcohol ta hunga un rol, ta ser publica den prensa cu speranza cu e publicacionnan aki lo funcionnan como un medida preventivo. “Nos ta basta prepara pa enfrenta futuro,” Edwin van der Giesen, hefe di Polis Basico, a declara, refiriendo na e ekipo cu ta disponibel pa KPCN.

Sinembargo, e cifranan di 2024 ta muestra un reduccion compara cu 2023. Menos aresto a tuma luga pa core auto bou influencia. Si e reduccion ta pa motibo di un disminucion di consumo di alcohol ora di core of un disminucion den control di esaki, no ta conoci. Tambe e cantidad di multa di trafico a baha significamente: den 2024 tabatin 909, contra mas o menos 1.700 na 2023.

Fouilleren preventivo

Pa ultimo, KPCN a discuti e evaluacion di fouilleren preventivo na Boneiro. Aunke e medida ta un paso grandi, KPCN a enfatisa cu esaki ta necesario pa garantiza seguridad. E evaluacion ta andando ainda y e resultadonan lo ser usa pa forma politica y beleid pa polis. “Ta importante pa haya un balans entre e impacto ariba e pueblo y e necesidad pa crea un ambiente sigur,” e hefe di cuerpo policial di Boneiro a bisa.



Hulanda: Multa pa ex alcalde di Groningen pa masturba tras di stuur

(Nu.nl) – Koen Schuiling, e ex-alcalde di Groningen, a ricibi un multa di 250 euro pa masturba tras di stuur. Un chauffeur di truck a mira loke Schuiling a haci na maart 2024.

Schuiling tabata coriendo su auto dia 25 di maart 2024 rond di 23:00 na A7, entre Hoogezand y Groningen. Un chauffeur a declara cu Schuiling a cende luz di su auto paden y mientras e tabata core banda di e truck, unda e chauffeur a mira “su parti priva”. Tambe el a mira cu e tabata masturbando.

E auto a keda core banda di e truck pa mas o menos un minuut. E auto tabata keda cambia velocidad. Ta final, e truck a pasa e auto y a tuma un salida. Schuiling a tuma e mesun salida y a para su auto. E chauffeur a bay cerca dje y kier a papia tocante kico el



a mira, pero Schuiling a responde cu “mi tin pishi”.

Schuiling a conta den corto cu pa varios aña e ta sintiendo dolor fuerte den su abdomen. “Dolor hopi fuerte cu bo no ta sinti ta bin.” Hopi biaha e

dolor ta bin hunto cu tosa-

Privacidad den propio auto

Segun Schuiling, di 66 aña, ora e sinti dolor fuerte den su abdomen e ta los su faha

y pone man ariba su bariga. Esaki lo a pasa na maart 2024, ora el a sinti un atake di dolor riba A7. Pa e mes motibo el a cende e luz den su auto, pasobra despues cu el a tosa e la smaak hero den su boca. “Mi kier a check liher si tabatin sanger. Na ningun momento mi a core cu mi parti priva saca. Esaki no ta ami. Mi no kier a duna ningun señal y mi tabata tin un momento priva den mi propio auto.”

No ta prome biaha

Despues cu e chauffeur di truck a yega su trabou y a conta un colega locual el a mira, nan a avis’e pa haci un denuncia na polis. Un par di luna prome, polis a ricibi denuncia caba tocante Schuiling, cu tabata den un parking lot di un pomp di gasolin cu su carson los.

Schuiling no ta alcalde di Groningen mas. El a dicidi di

renuncia su cargo na october 2024. Berano ultimo, un suspension tabata colga riba su cabes. Minister Judith Uitermark (Ministerio di Interior) a señala cu su integridad a ta comprometido.

Schuiling ta lamenta: “Pero mi no a haci’e”

E multa cu Schuiling lo paga pa deshonor su integridad ta igual cu e exigencia di Ministerio Publico. E abogado di Schuiling a pidi pa libera su cliente. Segun e, no tin suficiente prueba, solamente un testigo.

E hues a splica cu no ta tur acusacion mester di hopi testigo. Segun e, esaki ta un caso asina.

Schuiling tin dos siman pa apela su sentencia. E ta lamenta di e situacion pa con su accion a ser mira. “Pero mi no a haci’e.”

Ex presidente di Peru ta anuncia welga di hamber pa protesta contra huicio di rebelion

(AP) — Ex-presidente di Peru, Pedro Castillo, a bisa dialuna cu el a cuminsa un welga di hamber pa protesta contra e proceso penal contra dje pa supuestamente comete rebelion. Fiscalia ta pidi 34 aña den prison pa e ex-mandatario.

Castillo, cu ta deteni for di 7 di december 2022 despues di un discurso televisa den cual el a declara e disolucion di congreso y su intencion di goberna pa decreto, a publica ariba su rednan social cu el a inicia un welga di hamber pa



protesta contra e “inhusticia cometi contra mi.”

E ta acusa hues Norma Carbajal di a formula conclusion pura ariba su caso, despues cu

e hues a bisa cu rebelion arma “no ta rekeri violencia fisico.”

Den un sesion anterior, Castillo, di 55 aña, a describi e proceso como uno “politisa” y “un teatro falso”. El a nega di a acepta abogado nombra pa sistema di husticia y a declara na e tribunal cu “e unico cos cu mi a haci tabata expresa e deseo di pueblo den un discurso politico.”

Ministerio Publico di Peru ta acusa Castillo pa su intento di disolve Parlamento dia 7 di december 2022 pa evita un voto pa elimina su mandato

a base di “incapacidad moral permanente” pa goberna. Congreso a kit’e for di su puesto, el a keda deteni y su vice-presidente, Dina Boluarte, a tuma poder.

E intento di Castillo a desata protesta grandi, unda mas cu 50 civil a perde nan bida durante e tres lunanan di protesta den e pais.

Ademas di e caso di rebelion, Castillo, kende tabata maestro rural y lider sindical, ta bou di otro investigacion pa supuestamente a comete corrupcion durante su gobierno.

Colombia: Minister di Defensa nobo ta priminti reconkista tereno perdi na grupo rebelde

(AP) — E minister nobo di defensa di Colombia a bisa diabierna cu su enfoke lo ta pa gana bek e tereno cu a cay den man di grupo rebelde, cu a obliga miles di hende pa huy for di nan cas e aña aki.

Den un discurso dirigi na e trupanen di e nacion, Minister di Defensa Pedro Sánchez a bisa cu ta ora pa ehercito di Colombia “fortalece soberania nacional y proteha” e poblacion.

E general retira a insinua cu ehercito di Colombia, cu recientemente gobierno a pidi pa no ataca grupo rebelde, lo tuma un rol mas ofensivo awor.

“Nos no por sigui permiti cu nan ta scupi riba nos polis y soldad, ataca nan, y corta nan garganta manera si nan ta obhetu inanima,” el a bisa.

E comentario di Sanchez a bin un par di dia despues cu 28 polis y un soldad a keda

secuestra pa un grupo civil den e provincia di Cauca, durante enfrentamento cu e grupo rebelde FARC-EMC. Nan a ser libera diadomingo.

Sanchez, un ex-general di e forsa aereo, a ser nombra minister di defensa na fin di februari, den un momento cu e pais ta enfrentando su pio crisis di seguridad den un decada.

Na januari, mas cu 36.000 hende a keda desplasa for di nan cas den e region di Catatumbo despues di un ola di atake di e grupo Ehercito di Liberacion Nacional, den cual a mata mas o menos 80 persona.

E atakenan a haci cu presidente Gustavo Petro a cancela e dialogo di paz cu e grupo rebelde, cu a cuminsa na 2022.

Petro, kende su mes tabata parti di un grupo rebelde den su hubentud, a intenta negocia paz cu varios grupo arma

den su strategia yama “paz total”.

Pero, a pesar cu tabatin un sosiego temporal, esaki no a duna resultado duradero.

Segun analistanan, gruponan manera ELN y FARC-EMC a usa e periodonan di paz pa busca mas combatiente y reforza nan control den lugarnan remoto, caminda nan ta exige placa for di negoshinan local y ta controla e rutanen di droga.

“Nos presidente a muestra hopi generosidad den su buskeda pa paz,” Sanchez a bisa. “Pero esaki a ser traiciona pa esnan cu ta sigui usa violencia contra nos pueblo.”

Na 2016, Colombia a firma un acuerdo di paz cu e grupo rebelde mas grandi, FARC, den cual mas cu 13.000 bringador a entrega nan arma.

Pero gruponan criminal mas chikito a yena e bashi di poder cu nan a laga, promovien-



do trafico di droga y mineria ilegal.

Petro a acusa e lider di ELN di traiciona nan ideologia revolucionario y di bira narcotraficante “cu hamber pa placa”.

E presidente di Colombia a bisa siman pasa cu su gobierno lo paga agricultornan na Catatumbo pa kibra e plantacion di coca y reemplasa esaki cu producto legal, cu e expectativa di fortalece desaroyo di e region y limita e entrada di ELN cu ta bin di droga.

Sanchez ta e prome ex-mili-

tar cu ta fungi como minister di Defensa di Colombia den 30 aña.

Su nombracion ta trece fin na e tradicion di nombra civil pa e puesto.

E ex-general di 52 aña a bira famoso na 2023, ora cu el a dirigi e rescate di cuater mucha indigena cu a sobrevivir un accidente di avion den e selva di Amazon.

Sanchez a sali for di ehercito na februari, un tiki despues cu presidente Petro a scog’e pa dirigi e ministerio di Defensa.

Mexico: A captura sospechoso di trafico di droga for di Guatemala busca na Merca

(AP) — Un di e traficantenan di droga mas busca di Guatemala a ser captura na Mexico y deporta bek pa Guatemala, caminda e ta warda su extradicion pa Merca, segun autoridadnan di Guatemala.

Minister di Interior di Guatemala, Francisco Jiménez, a bisa cu e captura di Aler Baldomero Samayoa Recinos a tuma lugar. E taba-

nos a tuma lugar diamars cu cooperacion entre Mexico y Merca. Segun Jiménez, Samayoa Recinos tabata organisa transporte di droga a traves di Guatemala pa cartelnan Mexicano.

Guatemala mes tin un caso contra Samayoa Recinos, asina cu no ta cla si esaki mester pasa prome cu su extradicion pa Merca tuma lugar. E taba-

ta spera di presenta dilanti di un hues na Guatemala ayera.

Na 2022, un acusacion federal contra Samayoa Recinos a keda publica na Washington, acusando e di trafico di cocaina.

Segun autoridadnan di Guatemala, Samayoa Recinos ta lider di un grupo di crimen organisa yama “Los Huistas.”



Cuba: Prensa oficialista ta reconoce problemanan y falta di calidad den vivienda pa mamanan vulnerabel na Guantánamo

(CiberCuba) - Un articulo recien publica pa e media pro-gobierno Venceremos a trata e deficiencianan serio di e programa di vivienda di gobierno pa mamanan vulnerabel den e municipio di Manuel Tames, den e provincia di Guantánamo. E investigacion di e medio di comunicacion ta reconoce cu hopi di e casnan entrega tin problemanan structural serio y cu e supervision di autoridadnan tabata practicamente inexistente.

Pa años, e regimen Cubano a promove programanan pa asisti mamanan den situacionnan vulnerabel, primintiendo vivienda decente pa esnan cu tin tres of mas yiu bou di 17 año. Sinembargo e realidad ta leu di loke ta ser anuncia den medionan oficial.

Un di e casonan mas obvio

ta den Manuel Tames, unda mamanan beneficiario a denuncia e mal calidad di e vivienda brinda, como tambe e falta di seguimiento di parti di autoridad. Danis Eulania Grau, conoci manera “La Quema’íta,” a ricibi un cas cu mester a mehora su condicion, pero en bes di esey e ta haya su mes cu un edificio cu muraya y plafond cu kraak, sin awa, y multiple problema structural.

Informenan di otro mamanan den condicionnan similar ta indica cu hopi di e casnan cu a ser entrega tin deficiencianan serio: infraestructura cu a basha abou, verf di mal calidad, y trabou di palo infesta cu termita. E falta di supervision di trahadonan social y funcionarionan ta empeora e situacion mas ainda, como cu no a haci inspeccionnan periodico pa midi e satisfaccion di e famianan beneficiario.



Datonan oficial no ta refleha un miho situacion. Entre 2019 y 2024, e regimen a aloca mas cu 3 miyon peso Cubano pa e programa aki, cu e meta pa completa vivienda pa medio di compranan financia pa estado of gobierno. Sinembargo, pa december 2024, solamente 8% di mamanan den situacionnan vulnerabel a beneficia, lagando e gran mayoria warda den condicionnan extremo precario.

Mientras cu municipionan manera El Salvador, Yateras y Maisí a implementa strategianan mas organisa usando recursonan natural local

pa mehora construccion di vivienda, na Manuel Tames, improvisacion y un falta di planificacion a converti loke mester tabata un alivio pa mamanan vulnerabel den un peso nobo.

A pesar di retorica oficial cu ta insisti cu e deficiencianan den e sector di construccion ta debi na e embargo di Merca, e realidad ta cu ineficiencia administrativo, corrupcion y un falta di boluntad politico a converti e programa aki den un otro ehempel di e promesanan kibra di e regimen Cubano.

E media pro-gobierno Venceremos recientemente a reconoce e problemanan aki den un articulo cu ta trata e caso di Manuel Tames y e dificultadnan cu e mamanan cu a beneficia di e programa a enfrenta. Segun e publicacion, mas di 3 miyon peso Cubano a ser aloca pa e cas-

nan aki desde 2019, pero solamente 8% di e mamanan a beneficia, hopi di nan ta biba den vivienda substandard y no tin acceso na servicicionan basico.

E publicacion aki ta refleha e malcontento creciente cu implementacion di e programa y e fracaso di gobierno pa garantisar condicionnan di bida digno pa famianan vulnerabel.

E mamanan afecta ta existi solucionnan real y vivienda decente pa nan yiunan, sin e trabou fracasa y burocracia cu, leu di soluciona problemanan, ta empeora e crisis di vivienda riba e isla.

E crisis di vivienda na Cuba ta sigui empeora, cu problemanan structural, un falta di material di construccion, y desasternan natural lagando miles di famia den condicionnan precario.

Puerto Rico: Manifestantenan aresta durante protesta contra construccion na Rincón



(ElNuevoDia) - Polis a aresta por lo menos siete persona diaranson mainta durante un manifestacion na Rincón. Oficina di Prensa di Polis a confirma cu nan a aresta e manifestantenan “pa e crimen serio di stroba un proyecto di construccion cu un solo permiso.”

Imagennan di television a mostra cu mas hende tabata ser deteni durante e operacion, cu a envolve personal di e grupo di contencion di e Unidad Motorisa y e Division di Operacionnan Tacito.

Manifestantenan ta protestando contra construccion di un caminda pa bicicleta, cu lo encera kitamento di centenares di mata y construccion dentro di e zona maritimo-terrestre.

E planificador Ramón Díaz Zambrana, miembro di e organizacion Amigos de Tres Palmas, a indica cu nan no ta opone e construccion di e paseo, pero nan ta exige pa actualisa e frontera pa evita impacto ambiental irreversible. “Nos ta pidi pa e unico permiso cu e Autoridad di Ca-

mind a tin pa construi e caminda aki caduca pasobra e sondeo di frontera ta di 2004, e declaracion di impacto ambiental ta di 2007, y e audiencianan publico a ser teni prome cu horcan Maria,” Díaz Zambrana a bisa El Nuevo Día.

El a agrega cu, “manera tur hende sa, henter e costa di Rincón a cambia, y e proyecto aki lo impacta especificamente e zona maritimo-terrestre den e Reserva Marino di Tres Palmas, e Selva di La Armonía, y e area di e (anterior) planta nuclear, caminda e playa ta situa,” el a agrega.

“Nos kier rediseña e manera cu nos ta construi den e zona maritimo-terrestre. Loke nos ta buscando ta un negociacion cu Highway Authority, pa nos por sinta na mesa. Nos a bin ta manda carta pa bo como un organizacion sin fin di lucro pa dos año pa renegocia e plan aki, pero nunca nos no a ricibi un contesta. “Esaki no tabata debi na un falta di comunicacion,” e planificador a splica.


Tambe el a declara cu nan a purba sin exito pa tuma contacto cu e alcalde di Rincón, Carlos López.

“No ta cu e caminda pa bicicleta no por keda cla. Nos kier, pero e mester ta un proyecto bon pensa, responsabel cu un diseño cu ta na altura di e tempo,” el a señala. “E prome liña di defensa ta algun mata cu nan a

cuminsa kap caba, te ora cu e comunidad a mobilisa. Tin otronan cu nan kier corta y despues dreña e zona maritimo-terrestre y e selva di La Armonía.”

“E comunidad tin varios caminda pa defensa, incluyendo e tribunal di corte. E problema ta cu ainda ta desarroyando e caso aki pa hib’e corte pa para e proyecto ilegal


aki, pero e procesonan ey ta tarda mas den corte cu riba caya”, el a bisa. “Asina nos ta bringando simultaneamente riba caya y den corte.”



Feliz Dia di

Himno y Bandera

En conexion cu Dia di Himno y Bandera nos
oficinanan lo ta cera riba dialuna 17 y diamars 18 di maart 2025.



Den caso di emergencia, por yama libremente nos Storingsdienst na 523-7147.

Harvey Weinstein ta presenta na corte cu hues poniendo den balans decisionnan clave pa su huicio binidero

(AP) - E huicio nobo di Harvey Weinstien pa e movimiento #MeToo den proximo luna lo ta den gran parti un version cortico di e original, cu un adicon grandi: un cargo basa riba e acusacion di un muhe cu no a forma parti di e prome caso.

Sinembargo na un audiencia clave prome cu e huicio, e magnate den mundo di pelicula su abogadonan a adverti cu pa motibo cu Weinstein su condena den 2020 di violacion y agresion sexual a keda anula, e pasado ta casi completamente irrelevante. "Nos por tuma esaki y tur e huesnan su decisionnan y tira nan den bari," Weinstien su abogado Arthur Aidala a argumenta. "E huicio ey a keda declara ilegal pa e corte mas halto di e estado aki."



New York Court of Appeals a anula Weinstein su condena aña pasa, habriendo escenario pa e huicio cu lo cuminsa dia 15 di april na corte di Manhattan. Fiscalnan ta bisa cu esaki por tarda te hasta 5 siman.

Con e huicio aki lo sucede a cuminsa gara forma diaran son cu hues Curtis Farber tumando decision riba un can-

tidad di problemanan pendiente, incluyendo testimonio di expertonan y e idioma usa pa describi e victimanan.

Farber a acepta un peticion di ministerio publico (OM) di yama un psicologo, Dawn Hughes, como testigo experto tocante e efectonan traumatico y psicologico di violacion y agresion sexual. Hughes anteriormente a tes-

tigua pa Amber Heard na e huicio di difamacion di Johnny Depp contra Heard den 2022 y como testigo di Ministerio Publico (OM) den huicio federal di trafico sexual di R. Kelly na Brooklyn den 2021.

E hues tambe a acepta un peticion di defensa di descarta e uso di e termino "sobreviviente" pa describi esnan cu ta acusa Weinstein. El a bisa

fiscalnan pa duna instruccion na cualkier oficial di polis cu lo testigua pa referi na e muhenan como "e testigonan cu a entrega keho" na luga di esaki.

Mientras cu Weinstein su condena di e prome huicio a keda anula, e cargonan mas serio - 2 cargo di agresion sexual depredador y violacion di prome grado - te ainda ta aplica.

Miniserie Tambu y Baile ta estrena live riba Youtube riba dia di Himno y Bandera 2025



E miniserie Tambu y Baile ta estrena live riba Youtube, riba dia di Himno y Bandera y asina clausura e proyecto cu ta inclui participacion di artistanan local manera Kevin Kendrick Eduardo Junior Gumbs, Shaindra Ashby y Tuesday Gonzalez Irwin. E miniserie tin meta educativo, dirigi riba hoben como grupo di enforce. Ta duna conocemento riba Historia di Slavitud den Caribe Hulandes incluyendo Aruba.

E miniserie lo repasa echanan historico di un temporada scur, unda e comercio di esclavo tabata tuma lugar den nos region, lo haci un recorrido den tempo pa yega den presente. E contenido ta pone luz ariba herencia Africano ta bibo y presente den expresionnan moderno manera baile y musica.

Tambu y baile a hunga un rol importante den e expresion di nos antepasadonan cu tabata forma parti di e sociedad cu nos ta bibando aden awor. E meta di e produccion aki, ta pa crea imagenan visual cu

por inspira hobenan interesa den nos historia comparti i habri nan interes pa sigui conserva herencia Tambu cu ta bayendo perdi na Aruba.

For di cuminsamento di juli 2024 a inicia cu e trabaonan di produccion pa e miniserie Tambu y Baile.

E produccion consistiendo di 5 episodio ta conta cu apoyo di un team relativamente hoben, cu entre otro a cherce trabaonan di coordinacion y investigacion (Jeanelij "Ginelly" Quandt), filmacion, edita y sonido (Chando Held), naracion (Tasho Eargelon Florentina).

E proyecto aki a wordo inicia bou di e programa di Aña di Conmemoracion di Historia di Slavitud y ta conta cu sosten di UNOCA Aruba y NiNsee Nationaal Instituut Nederlands Slavernijverleden en Erfenis. Ta haci un yamada na scolnan, institucionnan di educacion na Aruba pa comparti e produccion aki cu nan alumnonan y encurasha hobennan pa pensa y dialoga tocante nos pasado comparti.



March 18, 2025

NATIONAL ANTHEM & FLAG

7AM - 12PM

Price: \$40 per person | 20% off for locals
Children up to 12 years old get 50% off
Unlimited mimosas for \$25






@ bucatini.aruba

Reservation number: 699-9317

A descubri un pintura horta for di museo Italiano na Inglatera pero doño nobo kier keda cune

(AP)—A haya un pintura di e siglo 16 horta casi 50 aña pasa—y awor e ta den e centro di un bataya legal entre un viuda na Inglatera y un museo Italiano.

“Madonna and Child” pa Antonio Solario a ser tuma na 1973 for di e museo civico den e pueblo di Belluno den e montañanan Dolomite

na Italia. Un tempo despues Baron de Dozsa a cumpr’e y a hib’e na su mansion na Inglatera, segun Christopher Marinello, un abogado cu ta specialisa den obhetonan y obranan di arte horta.

Awor e ta den posesion di Barbara de Dozsa, e ex-casa di e baron, aunke e ta keda riba e database di arte horta manteni pa Interpol. Mari-



nello a priminti pa debilbe e pintura na Belluno, unda su famia ta origina.

“Mi tin un conexion familiar na e region aki, y mi a dicidi cu mi ta bay interferi,” segun Marinello, di ken su compania Art Recovery International a yuda rastrea obranan di Henri Matisse y Henry Moore y a debilbe nan na su

doño.

Pero den e tarea aki, te awor el a keda frustra. Marinello a bisa diamars cu de Dozsa a nenga pa entrega e pintura, a pesar di bis’e “e nunca no a gust’e.”

“E no a colg’e—e ta record’e di su ex-casa,” el a bisa.

De Dozsa no a responde na un peticion pa comentario for di AP. Marinello a bisa cu e redescubrimiento di e pintura a cuminsa ora Barbara de Dozsa a purba di bend’e via un cas di subasta na Inglatera algun aña pasa, y esaki a ser reconoci como un obra horta.

E forsa policial local, Norfolk Constabulary, a ser yama pero eventualmente a debilbe e pintura na de Dozsa. E forsa a conta AP cu el a

ser conseha pa autoridadnan hudicial pa debilbe e obra pasobra “varios aña pasa y no tabatin ningun respuesta for di autoridadnan Italiano relaciona cu e investigacion.” Polis di Norfolk a bisa cu actualmente nan no ta investigando e caso.

Pinturanan pa Solario, ken a traha na Italia den siglo 16, a bende na subastanan pa varios shen miles dollar. Marinello a bisa cu “Madonna and Child” tin probablemente un balor menos di 128,000 dollar.

“E no ta un Rembrandt,” el a bisa, pero a agrega: “E tin un balor mas grandi cu placa.”

“Solario ta di e area aki pues e ta hopi importante pa e pueblo di Belluno.”

Documentario Arubano Memoria Ancestral lo estrena na Curaçao International Film Festival



Memoria Ancestral, e documental pionero cu ta explora e antepasadonan di esclavitud y pasado colonial di Aruba, a wordo selecta oficialmente pa e Curaçao International Film Festival, cu ta tuma luga di 9-13 di April 2025. E seleccion aki ta marca un logro significativo pa contamento di historia di Aruba, treciendo un narativo historico y personal na escenario internacional.

Encarga pa Cas di Cultura y crea pa artistanan Natusha Croes, Layzima Emerencia, y Darwin Winklaar, Memoria Ancestral ta un produccion multidisciplinario cu ta profundisa den e influencia duradero di colonialismo, particularmente e esclavitud Afro-Indigena cu a forma e historia di Aruba. Desaroya den colaboracion cu institutonan Arubiano, y exper-

tonan, e documental ta un reflexion poderoso riba identidad, resiliencia, y herencia cultural.

“Nos ta honra cu Memoria Ancestral a wordo scogi pa Curaçao International Film Festival,” segun Cas di Cultura. “E reconocimiento aki ta destaca e importancia di rebishita nos pasado y amplia e bosnan cu pa hopi tempo no a wordo scucha.”

E documental a bira posibel door di e sosten generoso di Mondriaan Fonds y DNB Fonds Caribisch Deel, poniendo enfasis riba e balor di preservacion artistico y historico den Caribe.

Curaçao International Film Festival lo tuma luga di 9-13 di April 2025, brindando un oportunidad pa un publico internacional conoce e piesa critico aki di historia cultural. Mas detaye tocante e schema di proyeccion y participacion na festival por wordo haya riba www.curacaoiff.com.



Caribbean Mercantile Bank N.V. a member of the Maduro & Curiel's Group of banks, is taking applications for the position of:

Executive Office Manager

The **Executive Office Manager** plays a vital role in supporting our executive team and ensuring the efficient operation of the executive office. As the primary point of contact for all executive matters, this position serves as a key liaison between senior management and external stakeholders, including customers, regulators, partners, and industry associations.

This role provides high-level administrative and operational support, managing correspondence, coordinating meetings, and overseeing office procedures. Responsibilities include serving as secretary to various boards and associations, preparing reports, conducting research, maintaining databases, and handling confidential communications. The Executive Office Manager also addresses escalated customer concerns, manages office inventory, and ensures compliance with record-keeping policies.

Beyond daily operations, this position supports executive projects, tracks deliverables, manages budgets, and contributes to the development and implementation of office strategies. Additional responsibilities include scheduling, coordinating travel, organizing events, and ensuring smooth internal and external communication.

Professional requirements:

- Bachelor's degree in Administration / Management
- Business correspondence courses
- Experience in an executive assistant, office management or similar administrative role preferred.

Candidate Profile:

- **Exceptional communication skills:** Fluent in English, Dutch, Spanish, and Papiamentu, with strong written and verbal communication skills. Proven experience in managing board meetings, taking minutes, and preparing comprehensive reports (preferred).
- **Strong interpersonal skills:** Proven ability to build and maintain relationships at all organizational levels, fostering collaboration.
- **Advanced PC proficiency:** Expertise in using common software tools such as Microsoft Word, Outlook, Excel, and PowerPoint to efficiently communicate and access information within the bank.
- **Organizational and time management abilities:** Skilled in planning, organizing, and coordinating tasks with exceptional attention to detail. Adept at prioritizing and managing a diverse and demanding workload while maintaining flexibility to adapt to shifting priorities. Strong ability to meet deadlines and ensure timely delivery of key responsibilities in a dynamic environment.
- **Customer service excellence:** Demonstrates strong judgment, decision-making, and problem-solving skills in managing executive office operations. Effectively addresses concerns, prioritizes tasks, and ensures timely resolutions to support senior management and organizational goals.

Caribbean Mercantile Bank N.V. offers a challenging and productive work environment where teamwork and a positive attitude are vital, a workplace with growth possibilities and where dedication is rewarded by an excellent remuneration package.

Interested applicant can submit their cover letter and resume accompanied by any other document that might be deemed important to the attention of the Human Resources Department at: cmbrecruitment@cmbnv.com by March 21, 2025.



Avi Tromp ta set un record nacional nobo den competencia di Himno y Bandera

Aruba Aquatics Federation a organisa cu orguyo e Competencia di Himno y Bandera for di 6 te 9 di maart, conveniendo e mi-hor hungadornan di natacion di e isla pa cuater dia di prestacionnan espectacular, orguyo nacional, y natacion cu e kibra record!

Record Nacional y Nobo Clasificadonan pa CARIFTA E momento mas sobresaliente di e weekend tabata e natacion fenomenal di Avi Tromp den 100m Vlinder, unda el a kibra e Record Nacional di Aruba cu un tempo di 1:04.09! Avi a agrega dos segundo mas for di su mi-hor tempo anterior personal pa logra e record nobo, kib-rando e record cu Keeley Maduro tabata tin for di april 2015—casi 10 aña pasa! Cu esaki, Avi ta mantene e Record Nacional pa e 100m Vlinder Long Course y Short Course, ademas di e 50m Vlinder Long Course.

E Competencia di Himno y Bandera tambe a sirbi como e ultimo oportunidad di clasificacion pa e CARIFTA Games cu ta bin den april. Aruba Aquatics Federation ta contento pa anuncia:



2 clasificadonan nobo pa CARIFTA, y 11 clasificadonan cu ya tabata cla, cu a mehora nan tempo of a agrega un evento nobo na nan programa.

E weekend tabata un exito grandisimo, demostrando e dedicacion y esfuerso di nos atletanan den nan buskeda pa excelencia den e piscina.

Competencia Internacional: Westmont TYR Pro Series Mientras tanto, na e otro banda di e Atlantico, na Westmont Pro Swim Series na Illinois, Merca, Patrick Groters a kibra su mes record nacional den e 50m Backswim, bahando su tempo cu 0.03 seconde pa yega 26.29 durante e sesion preliminar di Dia 2! Patrick a trece e record aki casi siete aña pasa na e Central American and Caribbean Games na Barranquilla den 2018.

Como si esaki no tabata suficiente emocion, Mikel Schreuders a logra un prestacion excelente na e TYR Pro Swim Series, ganando dos prome lugar den e 50m Vrij y 50m Borstcrawl, y dos tercer lugar den e 100m Vrij y 50m Vlinder. Un prestacion fenomenal di Mikel!

Proximo Evento: Competencia di Natacion Artistico! Uni cu Aruba Aquatics Federation pa e Competencia di Natacion Artistico di Himno y Bandera riba 14 y 15 di maart na Piscina Olimpico Roly Bisslik na Savaneta. Bin duna apoyo na nos talentoso atleta di natacion artistico mientras nan ta demostra nan habilidadnan y arte den e piscina! Sigui conecta cu Aruba Aquatics Federation y haya e ultimo noticia y informacion di evento riba Facebook y Instagram: @arubaaquatics.

Maresca ta defende Chelsea su estilo di hunga



(AFP)—Enzo Maresca a defende Chelsea su estilo di hunga despues cu e Italiano a haya su mes bao critica prome cu e partido awe contra Copenhagen, den e UEFA Conference League.

E banda di Maresca a ser burla pa fanaticonan frustra mientras nan a lucha pa trece un victoria di 1-0 contra Leicester den e Premier League diadomingo. E metodo di e Blues pa keda cu e bala y slow e wega, aunke ora chancen a surgi pa ataca un defensa debil di Leicester, a causa critica di e estilo di hunga di Maresca.

Pero a pesar di e dudanan creciente tocante e taccionan di Maresca, solamente Liverpool a hinca mas cu e 53 gol hinca pa Blues den nan 28 partido. Esaki ta un aumento di seis gol for di e mesun punto temporada pasa pa Chelsea y Maresca a hacie claro cu e hungadornan ta bao instruccion pa hunga e manera aki.

“Futbol semper ta evoluciona,” segun Maresca, di ken su banda a tene un avance di 2-1 den e segunda parti di nan empate contra Copenhagen den e Conference League. “Nos tin 20 club den e Premier League, mas o menos nos tur ta diferente. Tin equiponan cu ta hunga pa ta agresivo y pone presion, equiponan cu ta prefera pa sinta warda y bay den transicion.

“Sin e bala, e manera cu nos ta hungando desde comienso ta basta cla. Nos ta purba di ta agresivo. Y cu e bala nos ta purba controla e wega y hinca ora nos mester hinca, defende ora nos mester defende.

Den e momento aki nos ta pensa cu nos ta e segundo of tercer miho equipo den e Premier League, pues esey kiermen cu nos ta hincando hopi gol. Pa defende tambe nos t’ey. Pero nos por ataca miho y nos por defende miho.”

Maresca a ricibi un boost un dia prome cu e wega empate contra Copenhagen como cu Cole Palmer a ser declara fit pa hunga despues cu el a sali den e victoria riba Leicester. E delantero a sufri di un lesion prome cu enfrente Leicester y tambe a perde un sesion di entrenamiento diamars.

El a tuma parti den e sesion d ayera hunto cu Christopher Nkunku y Reece James, ken tambe a recupera for di lesionnan. “Awe nan a entrena cu nos, a tuma parti den e sesion,” Maresca a bisa. “Nos lo mira pa mañan di nos ta bay usa algun di nan.”

Maresca a sostene Palmer pa e recupera for di e fracaso di pinalti contra Leicester cu a extende su recorido sin gol pa ocho wega y a caba su record perfecto. “Cole ta bay perde mas pinalti, y e motibo ta pasobra e ta esun encarga. Si bo no tira, bo no ta perde,” el a bisa.

TOP 25 HOTEL IN THE WORLD ON TRIPADVISOR
FIRST & ONLY CERTIFIED CARBON NEUTRAL RESORT IN THE CARIBBEAN

BUCUTI & TARA

LEAD & THRIVE WITH US!

MANAGEMENT POSITIONS:

- SUSTAINABILITY MANAGER**
- FRONT OFFICE SUPERVISOR**
- HOUSEKEEPING SUPERVISOR**

Join our Award-Winning Leadership Team and elevate your career with exceptional benefits and opportunities for professional growth. At Bucuti & Tara, we empower our leaders to inspire, innovate, and create lasting impacts in the hospitality industry. Be part of a dynamic team that values excellence, fosters collaboration, and rewards dedication.

www.bucuti.com/careers

ANUNCIO

En conexion cu Dia di Himno y Bandera, SETAR ta informa cu tur su oficinanan y teleshopnan lo ta cera:

- Dialuna 17 di maart 2025
- Diamars 18 di maart 2025

E Kiosk na Airport y e Contact Center ta keda duna servicio orario normal. Pa cualkier pregunta por yama 114 of WhatsApp na 597-9999.

SETAR

Keda alerta pa estafa riba rednan social!

No click riba aviso paga (sponsored ad) cu ta usando imagen di Aruba Today.
Bishita solamente e pagina oficial di Facebook, Aruba Today News, of e website
www.arubatoday.com.

Si bo haya algun problema, nos t'ey pa yuda: bondia.aruba@gmail.com



Sindicato internacional di trabao ta bisa cu FIFA ta blokea acceso pa inspeccion na Stadion Azteca

(AP) — Un federacion internacional di sindicato di trabou a denuncia diamars cu FIFA a nenga acceso pa un inspeccion na Stadion Azteca pa evalua e condicion di trabou di obreronan cu ta trahando ariba e renovacion pa e Copa Mundial di 2026.

Ambet Yuson, secretario general di Building and Wood Workers' International, a bisa cu FIFA a duna nan e motibo cu nan no mester inspeccion di trabou, pasobra e trahadornan local ya caba tin un sindicato y cu nan no a haya ningun incidente te awor.

“E Copa Mundial ta global, y nos mester sigui reglanan global y standardnan di trabou global,” Yuson a bisa na rueda di prensa. “E rol di un organisacion internacional manera BWI ta pa bin y pa ta inspectornan independiente



pa mira si loke nan ta bisa ta berdad of no.”

E Stadion Azteca a keda cera temporalmente pa renovacion desde mei di 2024 y e doño di e stadion, Emilio Azcárraga Jean, a bisa recientemente cu e plan ta pa habri back e aña aki.

Azcarraga Jean no a splica tur e modificacionnan cu lo ser haci na e Stadion Azteca pa e Copa Mundial cu Mexico lo

organisa hunto cu Canada y Merca.

E Stadion Azteca, cu tabatin su apertura na 1966, lo hospeda 5 wega den e torneo y lo bira e prome stadion cu ta sede di tres wega di apertura pa Mundial. E tambe tabata sede di e weganan di apertura pa e Copa Mundial na 1970 y 1986.

“Den colaboracion cu FIFA den pasado, un acuerdo pa

inspeccion conhunto na Mexico, Merca y Canada a ser negocia, pero Fifa a retira prome cu firmamento, blokeando e supervision independiente na lugarnan di construccion peligroso,” BWI a declara den un comunicado.

E director di Stadion Azteca, Félix Aguirre, no a duna respuesta inmediatamente na un solicitud pa un entrevista.

Un vocero di FIFA a bisa The Guardian cu e renovacion di e stadion “no ta ser maneha pa FIFA” pero cu e organismo “ta purba di respecta y promove e standardnan internacional di trabou mas halto y ta busca di sigura cu e derechonan di trahadornan den e actividadnan directamente liga cu su operacionnan ta ser respecta.”

FIFA a agrega cu, den colabo-

racion cu Stadion Azteca, nan “ta activamente comunica cu e stakeholdernan y monitorea e condicionnan cu ta ser ofreci na e trahadornan.”

BWI a bisa cu nan a haci un inspeccion ariba e condicionnan di trabou pa e ultimo cuater Copa Mundial di homber, y e tres weganan Olimpico di berano mas reciente.

Segun BWI, apenas 7% di trahadornan di construccion na Mexico ta parti di un sindicato, loke ta haci nan vulnerabel pa mal condicion y pago. “Na tur Copa Mundial, trahadornan den construccion a muri, y nos no ta tende nada di un persona cu a fayece na un lugar di construccion na Mexico,” Yuson a bisa. “Nos mester warda un hende muri? Of nos mester hasi e inspeccion awor pa nos por preveni un morto?”

World Boxing ta agrega federacion poderoso di China

(AP) — Mundo di Boxeo a agrega China na su lista di miembro cu ta sigui crece, marcando un otro paso importante den nan esfuerso pa mantene boxeo den Weganan Olimpico.

Hunto cu China, e organisacion a anuncia diaranson cu e federacionnan nacional di Turkia, Sudan, Grecia, Slovakia, y Montenegro tambe a uni. Cu esaki, e cantidad di federacion cu ta forma parti di Mundo di Boxeo a aumenta na 84, mas cu dobel compara cu e 37 cu tabatin na fin di e weganan Olimpico di Paris apenas siete luna pasa.

E desicion di e Federacion di Boxeo di China pa uni cu Mundo di Boxeo ta un impulso significativo pa e organisacion, cu a ricibi reconocimiento provisional di Comité Olimpico Internacional (IOC) luna pasa como e cuerpo gobernante di boxeo pa



e weganan Olimpico di Los Angeles 2028.

“E adicon di seis miembro mas na nos organisacion ta prueba di e sosten grandi cu tin rond di nos deporte pa e trabou cu Mundo di Boxeo ta haci pa duna un futuro miho na nos boxdonan y pa sigura cu boxeo keda den centro di

e movecion Olimpico,” Boris Van Der Vorst, presidente di Mundo di Boxeo, a bisa.

Mundo di Boxeo a ser funda na april 2023 cu e meta pa preserva e futuro Olimpico di boxeo, despues cu Asocion Internacional di Boxeo (IBA) a ser suspendi na 2019 y expulsa for di e movecion

Olimpico na 2023, despues di hopi aña di scandal cu hustisia, desicionnan straño di lidernan, y maneho financiero sospechoso.

Mientras cu Mundo di Boxeo a inscribi rapidamente pa mayoria di e federacionnan di Europa y Merca cu tabata cansa cu e intransigencia di IBA, cu tabata domina pa Rusia, e organisacion nobo tabata sa cu lo ta dificil pa convence e federacionnan grandi cu ta depende financieramente di e cuerpo expulsa of cu ta alineá politicamente cu su liderazgo Ruso.

China a converti den un nacion potente den boxeo for di e Weganan Olimpico di Beijing 2008. Nan ekipo a termina na di dos lugar ariba e tabla di medaya na Paris aña pasa, cu tres medaya di oro y dos di plata.

Turkia tambe tin un federa-

cion fuerte, ganando dos medaya di plata y un di brons na Paris.

Cu China den e grupo, Mundo di Boxeo awor tin un miembresia Asiatico robusto, cu mas o menos dos docena di miembro—incluyendo Uzbekistan, cu ta e nacion mas poderoso den boxeo den e ultimo weganan Olimpico despues di a gana cinco medaya di oro na Paris.

Aunke boxeo ainda no ta oficialmente den e programa di e weganan di Los Angeles, e super-strea di boxeo di Kazakhstan, Gennady Golovkin, ta dirigi un comision di Mundo di Boxeo pa solidifica e futuro di e organisacion den e movecion Olimpico. IOC a dirigi e ultimo dos torneo Olimpico di boxeo, pero a bisa repetidamente cu si boxeo kier keda den e programa, un cuerpo nobo mester dirigi e torneonan den futuro.

Opinion ta un seccion di **Bon Dia Aruba** specialmente pa brinda oportunidad na lectoran individual pa expone nan opinion. Contenido publica di ningun manera ta refleha opinion di **Bon Dia Aruba** y ta pa responsabilidad exclusivo di e organizacion/individuo cu ta ofrece esaki pa publicacion. **Bon Dia Aruba** ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di **Bon Dia Aruba**.

OPINION



Skirbi pa Ramon Todd Dandaré Mag. Ling.

Emancipacion di Papiamento

Parti 4 - Papiamento, economia y politica

Na Aruba e era di petroleo a cuminsa na 1924. Esso/Exxon a construi un refineria entre 1927 y 1931, y a refina e prome azeta na 1929.

Tres aña despues di inicio di Refineria Lago na San Nicolas, a establece un otro refineria na Aruba, e biaha aki na Playa, esta Arend Petroleum Maatschappij NV, miho conoci como “Eagle”, propiedad di Royal Dutch Shell.

E yegada di e industria di azeta na e islanan aki no solamente tabatin un impacto socioeconomico, sino uno linguistico tambe.

Ingles a influencia nos lenga Papiamento di Aruba grandemente cu introduccion di hopi termino tecnico y neologismo.

Esaki a causa surgimento di un idioma mas rico como tambe di un diferencia mas notabel entre e variantenan di Aruba y Corsou, cu tabatin mas influencia di Hulandes door di e presencia di Shell.

Ta di lamenta cu ningun di e dos companianan no a acepta Papiamento como idioma empresarial, obstaculisando Papiamento di por a bira un

idioma ainda mas rico y cu un status mas halto na nos islanan y den exterior.

Yegada di e industria petroleo tabata tambe inicio di e movimiento di Separacion den escena politico di Aruba.

E movimiento aki tabata un reaccion na prome luga riba e influencia creciente di e autoridatnan colonial di Corsou y Hulanda den bida politico y administrativo di Aruba.

Tabata un respuesta politico importante pa schuif e balansa di poder na favor di e pueblo Indjan di Aruba.

E idealnan di e movimiento tabatin como base logra un grado mas halto di autonomia pa nos isla.

E separatistanan a argumenta cu e gobiernonan colonial a pone mas interes den Aruba segun cu prosperidad di e isla tabata aumenta y Aruba por a yuda paga e presupuesto colonial y e deficitnan di e islanan empobreci, pero no a compensa esey cu mayor influencia di y/of autonomia pa Aruba.

E idea di separacion a bolbe drenta na vigor como Status Aparte door di e movimiento di liberacion di añanan ‘70 cu Movimiento Electoral di Pueblo (MEP) a emprende. Parcialmente bou di influencia di e lucha politico di MEP e pasado Indjan Arubiano tabata fundamental pa identidad nacional di e isla.

Debi cu ta e idea di un pueblo Indjan Arubiano tabata domina e movimiento di Status Aparte, tambe den relacion cu e otro islanan, a enfatisa y promove e identidad di e grupo Indjan y di un Aruba Indjan.

Un ehempel cla di esaki ta e controversia tocante ortografia di Papiamento cu a estaya den añanan setenta entre Aruba y Corsou, como tambe e sindicatonan di maestro, cualnan tabata contra un ortografia cu lo no tabata facilita

lesamento pa e muchanan.

Despues di e rebelion di dia 30 di mei 1969 na Corsou un di e ideanan prominente tabata cu for di e momento ey mester a asigna Papiamento un rol mas grandi den Antia Hulandes.

Mester a pusha Hulandes atras como idioma gubernamental y di enseñansa. Un di e aspectonan mas importante di e desaroyo aki tabata e necesidad pa standarisa Papiamento: su gramatica, su vocabulario y su ortografia.

Pero e dos islanan no por a yega na un acuerdo cu otro riba e ultimo asunto aki.

Corsou a scoge un ortografia mas tanto fonologico, basa riba pronunciacion, mientras cu Aruba a tene duro na un ortografia mas tanto etimologico, basa riba origen di palabra.

Cu Aruba, fuera di motibo linguistico, a scoge pa un ortografia etimologico no ta un coincidencia at all. Tabata un decision politico!

Mester a enfatisa e diferenciacion cultural entre Aruba y Corsou, y por a uza diferencia linguistico, den forma di un ortografia, masha bon pa e proposito ey.

Emancipacion di Papiamento Manera nos a lesa anteriormente, Papiamento a bira basta trepan den su historia e idioma general di e islanan ABC, debi na e factornan describi caba den e articulo aki.

Tin tres documento cu (te awor) ta parece di ta e documentonan mas bieu skirbi na Papiamento: un fragmento di un carta di un Hudiu Curasoleño pa su amante na 1775, un carta di 1783 di un dama Hulandes pa su casa Hulandes na Rotterdam y un documento firma pa 26 boswa (boswachters) na Aruba na 1803.

Esaki ta nifica cu for di fin di siglo 18 en adelante Papiamento

mento tabata (y te ainda ta) un idioma general bon estableci riba e islanan aki, papia como tambe skirbi pa tur grupo etnico-social.

Debi na e esfuersonan -primordialmente- di Iglesia Catolico Papiamento a bira, cu su baybinnan necesario, un idioma uza den enseñansa y den publicacion for di e prome mita di siglo 19 te awor.

No tin situacion den bida diario na e islanan ABC, caminda no ta uza Papiamento, sea e predicado of e politico, e poeta of e deportista, e ama di cas of e maestro, na cas of riba caya, den misa of den Parlamento, na scol of den teatro.

Segun e cifranan di e Censo Piloto di 2019 di Oficina Central di Estadistica (C.B.S.) Papiamento ta keda e idioma mas uza den nos sociedad. 72% di Arubiano a contesta cu nan ta uza Papiamento como unico lenga di cas.

Ta raporta Spaño como unico lenga di cas cu 14% na Aruba.

Na cas di 7% di esnan encuesta na Aruba ta uza Ingles como unico lenga. Solamente 6% di Arubiano ta uza Hulandes como unico lenga di cas.

Finalmente, 1% di e poblacion ta papia otro lenga como esun unico na cas. Nan ta inclui Chines, Portugues, Sranan Tongo y tur sorto di Creole.

Tambe talbes San Nicolas Creole English? Ademas, mayoria di hende cu ta papia Spaño, Ingles, Hulandes y otro lenga na cas, a expresa di ta papia Papiamento como nan di dos lenga.

Esey ta hiba nos na e resultado cu 80% di e poblacion di Aruba ta papia Papiamento, 28% Spaño, 16% Ingles y 13% Hulandes.

Cu e rebelion di 1969 na Corsou, cu a sirbi como habrimento di wowo pa e socie-

dadnan di e islanan ABC, e lucha a cuminsa pa hiba Papiamento scol bek.

Actualmente ta uza Papiamento den tur tipo di enseñansa na e islanan, sea na un isla mas cu na e otro, na un tipo di scol mas cu na e otro of na un scol mas cu na e otro na e mesun isla.

Desafortunadamente, e lucha pa Papiamento tabatin como resultado cu, aunke nos ta papia e mesun lenga na tur tres isla, nos tin dos ortografia diferente.

Pero ta UN lenga Papiamento nos ta papia! P’esey mi speransa ta cu den futuro nos por yega na un solo ortografia pa e lenga, aunke pa hopi hende esey no ta necesario mas.

Durante tur e aña- y siglonan di su existencia Papiamento a bin ta standarisa, specialmente den su forma skirbi; por ehempel, for di siglo 19 ta publica diccionario, mayoria di nan bilingual.

Na mei 2003 Gobierno di Aruba a haci Papiamento idioma oficial hunto cu Hulandes, sigui na 2007 pa Corsou y Boneiro, unda nan a agrega Ingles.

Papiamento, e lenga di catibo, a bira y ta e lenga di tur hende y di casi tur caminda, y ta un di nos simbolonan di identidad nacional, na Aruba, Boneiro y Corsou.

Tambe, aunke den minoria, e ta na corte y na universidad, y aunke e otro idioma tin hopi influencia riba dje, y particularmente Ingles ta menas’e, el a yega te universidad, studia na e nivel academico mas halto, cu si nos sa di cuid’e y preserv’e, e t’ey pa keda.



Eclipse total di luna Saros 123 dia 14 di maart 2025 lo ta visibel na Aruba


Aruba Astro Research Int. asociacion nacional arubano di astronomia pa medio di su presidente Sr. Marcos Bislip ta informa oficial cu Dia 14 di Maart 2025 lo tuma lugar un evento celestial di un Eclipse Total di Luna Saros 123 conoci como Blood Moon.

Esaki ta e sombra profundo di planeta tera cu ta cubri e superficie di e luna 100% paso planeta tera ta den un alinacion perfecto cu e luna y solo, na unda planeta tera ta blokia e rayonnan di solo cu e luna ta ricibi for di e solo. Esaki ta tuma lugar na e parti di e luna cu ta wordo observa for di planeta tera y for di un region y area na mundo mientras cu e otro parti di mundo no ta mira e evento.

Den e caso aki nos region y area so ta mira e evento aki Dia 14 di Maart 2025 y e otro parti na mundo esta Asia lo mira esaki Dia 7 di September 2025.

Si tempo coopera nos ta bay tin un eclipse total exitoso pa por observa.

E Eclipse Total di Luna Saros 123 aki na Aruba lo wordo observa como lo siguiente: Eclipse Penumbra ta inicia pa 11:57 pm di Dia 13 di Maart 2025.



Eclipse Parcial ta inicia pa 1:09 am di Dia 14 di Maart 2025.

Eclipse Total di Luna ta inicia pa 2:26 am di Dia 14 di Maart 2025.

E Maximo di e Eclipse di Luna ta tuma lugar pa 2:58 am di Dia 14 di Maart 2025.

Eclipse Total di Luna ta termina pa 3:31 am di Dia 14 di Maart 2025.

Eclipse Parcial ta termina pa 4:47 am di Dia 14 di Maart 2025.

Penumbra Eclipse ta termina pa 6:00 am di Dia 14 di Maart 2025.

Magnitud 1.178

E duracion di full eclipse ta bai ta di 6 ora y 3 min.

E duracion di eclipse parcial ta bai ta di 2 ora y 33 min.

E duracion di eclipse total ta bai ta di 1 ora y 5 min.


E duracion di eclipse penumbra ta di 2 ora y 24 min.

Direccion pa observa e luna y eclipse ta keda parti pabou.

Aruba Astro Research Int. lo transmiti e Eclipse Total di Luna Saros 123 via di nos colega experto den transmision via telescope cu e tecnologia mas moderno y miembro di Aruba Astro Research Int. esta Rinus Van Geemen. E transmision ta bay ta via di nos facebookwebpage y ta bay via youtube pa mundo henter.

Mientras cu audio di e transmision ta via TOP FM 95.1, radio cu lo transmiti e di dos eclipse di luna cual baha pasa tabata parcial. E baha aki ta total y esaki ta remote via di Sunrise Radio Aruba pa TOP FM 95.1 via radio den e programa Hit Express cu edicion special dedica nan e Eclipse Total di Luna Saros 123 digital stereo HD. Tambe Aruba Astro Research Int. lo saca potret y haci filmacion di e eclipse di e luna.

E evento por wordo mira tur



parti di Aruba y na lugarnan scur mas mihor ainda.

Sr. Marcos Bislip presidente di Aruba Astro Research Int. y Director Nacional di Eclipse Lunar & Solar pa cu Aruba

lo dirigi y coordina tambe e evento pa Aruba y e transmision via di radio y audio hunto cu Rinus pa cu e imagen di eclipse for di Aruba pa henter mundo for di Dakota, San Nicolas y Sta. Cruz.

Publicista y autornan ta demanda Meta a causa di trabao protegi usa den training di AI

(AP) - **Publicista y autornan Frances a bisa diaranson cu nan lo hiba Meta corte, acusando e compania di red social di usa nan trabao sin permiso pa train su model di inteligencia artificial.**

3 grupo den e mercado a bisa cu nan lo tuma accion legal contra Meta den corte di Paris a causa di loke nan ta bisa ta e compania su uso "grandi di trabao protegi cu derecho di autor, sin autorisacion" pa train su model di AI generativo.

National Publishing Union, cual ta representa publicistanan di buki, a nota cu "varios trabao" di su miembronan ta surgiendo den Meta su pool di data, e grupo su presidente, Vincent Motagne a bisa den un declaracion conhunto.

Meta no a responde na

peticion pa comentario. E compania a lansa asistent di chatbot podera pa AI na usuarionan di su plataformanan Facebook, Instagram y WhatsApp.

Motagne a acusa Meta di falta di "cumplimento cu derecho di autor y 'parasitismo'."

Otro rgupo, National Union of Authors and Composers, cual ta represeta 700 autor, compositor y guionista, a bisa cu e demanda tabata necesario pa proteha miembronan contra "AI cu ta abusa di nan trabao y herencia cultural pa train su mes."

E sindicato tambe tin preocupacion cu AI ta "produci 'buki falso' cu ta competi co e bukinan real," segun presidente di e sidnicato, Francois Peyrony.

E tercer grupo involucra den e demanda, Societe des Gens



de Lettresm ta representa autornan. Nan tur ta exige pa "completamente kita" tur nan data cu Meta a usa sin autorisacion pa train su model di AI.

Bao Union Europeo su

Artificial Intelligence Act, sistemanan di AI generativo mester cumpli cu e bloke di 27 nacion su ley y ta transparente tocante e material cu nan ta usa pa training.

Esaki ta ehempel mas recien di e choke entre industrianan creativo y di publicacion cu companianan di tecnologia tocante data y proteccion di derecho di autor.

Lider derechista di Rumania ta perde apelacion contra prohibicion den eleccion presidencial

(AFP) – Politico derechista di Rumania, Calin Georgescu ayera a perde un apelacion contra un decision prohibiendo su participacion den e segundo buelta di eleccion presidencial na su pais, poniendo un fin na su ascenso meteorico, mientras centenares di su sostenedores na protesta pafo di corte.



E critico feroz di UE y NATO a gana prominencia november ultimo, na momento cu inesperadamente el a domina e prome ronda di voto presidencial, prome cu corte constitucional a anula eleccion, despues di acusacionnan di interferencia Ruso y un promocion “masivo” di Georgescu riba rednan social.

Bureau electoral Rumano diadomingo a rechasa e candidatura di Georgescu pa eleccion na mei, basa riba e anulacion di e corte supremo di eleccion di aña pasa, generando enfrentamentonan violento na Rumania, un miembro di UE y NATO na frontera cu Ucrania.

Georgescu a entrega un apelacion retando e decision como “descaradamente ilegal.” Pero e corte constitucional

ayera unanimamente a rechasa e apelacion, a bisa den un declaracion, sin duna detaye inmediatamente tocante su motivacion.

No por apela e veredicto mas na Rumania.

Prome minister Rumano, Marcel Ciolacu a duna bon bini na e decision, publicando riba Facebook cu e “ta cera un episodio extremadamente tenso y peligroso cu Rumania a experimenta den lunanan recien.”

“Mision cumpli”
“Mi ta considera mi mision cumpli,” Georgescu a bisa den un video publica riba Facebook despues cu a rechasa su apelacion, haciendo un yamado pa Rumanonan “mustra democratica- y pacificamente cu nos escogencia ta importante te na ultimo

momento.”

“Mientras Merca ta birando great atrobe, Europa y Rumania a bira chikito, corrupto y bao dictadura,” segun Georgescu, kende recientemente a presenta su mes como “ultra pro” presidente Mericano, Donald Trump, a post riba X.

Miembronan senior di administracion Mericano, incluyendo consehero di Trump, Elon Musk, a muestra sosten pa Georgescu, kende encuestanan a pronostica lo a gana alrededor di 40 porciento di voto den e ronda nobo di eleccion na mei.

Pafo di corte constitucional, varios centenares di sostenedor di Georgescu a grita “ladron” despues cu noticia di e decision a plama. “Esaki no ta un democracia

mas. Den kico nos ta bibando? Un dictadura,” Marius Vasile, un pensionado di 51 aña, a bisa AFP anteriormente.

“Nos kier eligi esun cu nos kier... Ta e (Georgescu) nos kier. Nos no kier ningun otro persona,” segun Marinela Simona Cheosa, un ingeniero di 45 aña di edad, cu tabata zwaai un bandera Rumano.

Analistanan ampliamente a pronostica cu George Simion, lider di partido derechista AUR y un sostenedor vocal di Georgescu desde e voto anula, ta bay postula como presidente pa e banda derecha. Simion, den un entrevista ayera laat, a bisa cu e no tin intencion di postula pa presidente, pero lo reuni cu Georgescu y otronan pa discutie.

E deadline pa entrega candidatura ta den weekend.

Simion riba X a acusa e corte di “burla di pueblo Rumano” y “ataca nos democracia y nos derecho y libertad esencial.”

Institucionnan Rumano, incluyendo e corte, a faya “di pone e criteria pa un medida asina excepcional (prohibicion di Georgescu) y pa hus-

tifica esaki adecuadamente publicamente,” segun Marius Ghincea, un científico politico na ETH Zurich, a bisa AFP. Georgescu “ta popular pasobra e ta representa e resentimiento general contra establecimiento y tur e fayonnan di gobernacion cu e ta representa,” Ghincea a agrega.

Georgescu, 62, un ex-oficial senior di gobierno, inesperadamente a gana e prome ronda di un eleccion presidencial como un candidato independiente. Den un movida shockeante – inusual den UE – corte constitucional di Rumania a anula e eleccion tiki prome cu e di dos ronda na december.

Diadomingo, despues cu bureau electoral a prohibi Georgescu, centenares a rally contra e decision, cu enfrentamentonan entre manifestantenan y agentenan di ley, lagando 13 herido. Tres homber di 43, 48 y 50 aña di edad a keda acusa di comete “actonan di violencia” durante e protestanan, segun fiscal a bisa ayera.

Georgescu, kende anteriormente a expresa admiracion pa presidente Ruso, Vladimir Putin, ta rechasa cualkier vinculo cu Moscu.

Sierra Leona ta despedi hefe di inmigracion pa acepta regalo di un narcotraficante

(AFP) - Sierra Leona a despedi su hefe di inmigracion oranan despues cu a surgi un video di su persona ta acepta regalo di un di Europa su narcotraficante mas conoci, segun e gobierno a informa AFP diaranson.

Den un video publica diabierna pa website di investigacion Follow The Money, por mira Alusine Kanneh ta hari na un fiesta mientras e ta acepta un regalo for di Jos Leijdekkers, un narcotraficante Hulandes fugitivo cu ta sospecha di ta scondiendo den e pais West Africano.

Potretan anterior unda aparentemente por mira Leijdekkers, nombra “Chubby Jos,” den compania di oficialnan manera President Julius Maada Bio a causa speculacion cu e narcotraficante a

conecta na Sierra Leona su clase politico -- incluyendo e presidente su yiu muhe.

Ademas di Kanneh, e director di Sierra Leona su National Drug Law Enforcement Agency (NDLEA), Andrew Jaiah Kaikai, por a ser mira ta observa e actividadnan cu Leijdekkers den diabierna su video.

Follow the Money ta kere cu e imagennan aki ta di aña pasa.

Riba e mesun dia cu e video a surgi e President Bio a despedi Kanneh a causa di e publicacion aki, e pais su minister di informacion Chernor Bah a informa, sin especifica e causa pa esaki. “E president ta eherce su autoridad constitucional di contrata y despedi ken cu ta y ta usa esaki a base di factornan cu ta na su pro-

pio discrecion,” Bah a conta AFP diaranson.

Leijdekkers, ken tambe ta usa e number “Omar Sheriff”, ta considera pa autoridad di ley di Union Europeo Europol, un figura grandi den e trafico internacional di cocaina.

Sospechanan cu e tabata na Sierra Leona a surgi despues cu e pais su primera dama Fatima Bio a publica potretan y videonan riba red social cu tabata muestra un homber hopi similar na Leijdekkers na un misa, cual a conta cu presencia di President Bio tambe.

Figura di oposicion den exilio, Mohamed Mansaray ta acusa Bio y su gobierno di duna “refugio” na e narcotraficante, ken ta riba Europol su lista di personanan busca.



Segun Mansaray, “Chubby Jos” a acerca na e presidente su yiu muhe Agnes Bio, ken ta ser mira ta compana e narcotraficante den imagennan.

Corte di Rotterdam den juni ultimo a sentencia Leijdekkers in absentia na 24 aña den prizon pa ordena asesinato y organisa e transport di 7 ton di cocaina.

Europol a ofrece tambe un recompensa di 200,000 euro pa informacion cu resulta den su detencion.

Den comienso di februari, polis di Sierra Leona a bisa cu el a lansa un “casa” pa busca e fugitivo. E no a provee ningun actualsacion tocante e buskeda pa Leijdekkers desde e tempo aki.

Bin controla bo salud na Centro di Bario Playa Pabao

Diasabra, 15 di maart, habitantenan di Playa Pabao y di Aruba en general por controla nan salud na nos Centro.

E controle ta cuminsa mainta 8'or y lo termina merdia pa 12'or. Bo salud lo wordo controlador di Fundacion C.V.A. cu e aña aki ta celebra nan 20 aniversario. Lo controla: sucu, colesterol, peso y BMI, presion, presion di wowo y di dentadura.

Pa haci e controle lo no cobra y no lubida cu un controle ta duna bo un señal si bo manera di biba ta bon of mester ahuste. Pues nos ta



topa diasabra na Centro di Bario Playa Pabao. Stimula un miembro di famia, bisiña of amigo pa bin haci e test.


Tienda di Ley




Cuminsando na maart 2025 e Tienda di Ley lo organisa den colaboracion cu CEDE ARUBA a traves di BARIÓ UNICO tres sesion di informacion na Centro di Bario riba e topico di ley di herencia.

Orarionan y sitio
Diasabra 15 maart 9 - 11 AM - Centro di Bario Noord
Diasabra 26 april 6 - 8 PM - Centro di Bario Santa Cruz
Diasabra 10 mei 2 - 4 PM - Centro di Bario Savaneta
Kico e Tienda di Ley ta haci? E Tienda di Ley ta yuda personanan cu tin pregunta of problema legal y cu no tin suficiente recurso pa paga un experto legal. E ayudo ta consisti di un conseho skirbi of ayudo pa completa formularionan legal.
E Tienda di Ley por duna conseho riba diferente tereno legal como labor, huur, daño, contractnan, areglo nan di pago, divorcio, inmigracion y mas. Si e Tienda di Ley no por yuda a causa di e complehidad di un problema of pregunta, e persona lo haya un indicacion pa acudi na un otro instancia concerni. E Tienda di Ley ta duna conseho so y no ta representa personanan den procedura legal.
Mester di un cita pa e sesion di informacion?
No, cita no ta necesario.
Kico e Tienda di Ley lo haci durante e sesion di informacion?
Durante e sesion general

dos estudiante di e Facultad di Ley di e Universidad di Aruba cu ta vrijwilligers na e Tienda di Ley lo comparti informacion den forma di un presentacion. E tin un momento despues di e presentacion pa Q&A. Durante e Q&A bo por pone pregunta riba e informacion den e presentacion. E Tienda di Ley no tin capacidad pa trata bo caso priva durante e Q&A: no por protegi bo privacidad ni haci e investigacion necesario pa forma un conseho legal.
Anto, kico mi por haci si mi tin un pregunta priva?
Pa por yuda bo persona cu bo pregunta personal y specifico, bo persona lo mester di un cita di consulta cu e Tienda di Ley. Pa por traha un cita por bay riba e Facebook-pagina Tienda di Ley y yena e formulario digital of por contact nos via e e-mail: tiendadiley@ua.aw pa ricibi e formulario digital.
Tambe bo tin e opcion pa pasa na e recepcion di e Universidad di Aruba durante e siman entre 8 AM y 12 PM / 2 PM y 4 PM pa busca, completa y entrega e formulario pa traha un cita. E Tienda di Ley no tin un number di telefon.
Den caso cu e Tienda di Ley ricibi bo formulario, nan lo yama bo persona pa informa si e Tienda di Ley ta e instancia adecua pa yuda cu e problema of pregunta specifico.
No ta posibel di ricibi un consulta di e Tienda di Ley na e Universidad di Aruba sin un cita.

Resultado Sorteo Maart 12			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
5154	4586	3759	9835
8388	8965	SUPER5	3546
8923	6147	-	7388

MERDIA




Sorteo # 4562


9088

3733

8882




X3




Sorteo # 4562

1750




X2



Sorteo # 2618


7041



Sorteo # 4562


8174

Virgo




Sorteo # 1436

863



X5




Sorteo # 8495


0632

0886

7475




FP




Sorteo # 7539

2284




X2



Sorteo # 2244


2159



Sorteo # 6298


0786

Aries




Sorteo # 1228

010



FP



Sorteo # 2575

0 x Jackpot

0 x Match 4+

2 x Match 4


91 x Afl. 12,00

02-14-24-29-34

Joker 18 Letter C

Proximo Jackpot

190.000,-



Sorteo # 6768

0 x Jackpot


9 x Match 4

165 x Afl 8,00

02-03-05-17-18

Proximo Jackpot

55.000,-



Sorteo #

0 x Jackpot

0 x match 4

0 x Afl. 500,00


0 x Afl 50,00

0 x Afl.15,00


Mega Ball

Proximo Jackpot


280.000,-



Afl. 380.000,-



Sorteo #





**Dokter na warda**

Oranjestad **San Nicolas**
Hospital **Imsan**
7:00 pm / 10:00 pm **24 ora**

Botica na warda

Oranjestad: **San Nicolas:**
Dakota: San Lucas:
Tel. 588 7364 Tel. 584 5119
EMERGENCIA **911**

POLIS

Oranjestad **100**
San Nicolas **104**
Santa Cruz **105**
Noord **107**
Tip Line **11141**
Brandweer **115**
Ambulance **911**
Hospital **527-4000**
Imsan **524-8833**
Warda Costa **913**
Seguridad Nacional **11911**
Cruz Cora **582-2219**

BOTICA

Aloe **584-4606**
4 Centro Medico **584-5794**
Central **585-1965**
Dakota **588-7364**
Del Pueblo **582-1253**
Eagle **587-9011**
Kibrahacha **583-4908**
Maria **585-8145**
Di Servicio Noord **586-4606**
Oduber **582-1780**
Paradera **588-6638**
San Lucas **584-5119**
San Nicolas **584-5712**
Santa Anna **586-8181**
Santa Cruz **585-8028**
Sero Preto **584-4833**
Trupial **583-8560**

UTILIDAD

Setar **117**
Web **525-4600**
Elmar **523-7147**

FUNERARIA

Aurora **588-6699**
Royal Funeral H. **586-4444**
Ad Patres **584-2299**
Olive Tree **584-8888**

Servicio di Taxi

Aruba Transfer Tour & Taxi C.A.
Tel: 582 2116 / 582 2010

Taxi Adres Services (24h)
Tel. 587 5900

A1 Taxi Services Aruba
Tel: 587-8850
Tel: 280-2828
Whatsapp: 592-7024

Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

Fundacion Contra Violencia Relacional

Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19 Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel. 297-582-2219
Fax 588-3376

Famia Planea (SBVO)

Avenida Milio J Croes 17 B Aruba
297-588-9591
www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord (close to the hotels)
Tel: 736-2952 or 593-7081

Legislador Frances den rolstoel ta logra un cambio den reglanan di votacion cu a discrimin'e



(AP) - **Legisladornan Frances a tuma decision unanime na favor di e asina yama "sitting and standing balloting" - un di e 4 metodo cu nan ta usa pa vota den Asamblea Nacional - aceptando cu esaki ta discrimina contra un parlamentario cu ta usa un rolstoel pa motibo cu esaki ta rekeri pa e lanta para.**

E legislador, Sebastien Peytavie, a argumenta cu e exclusion aki como persona cu ta usa rolstoel for di votacion pa medio di para den parti di Parlamento ta forma parti di un problema mas grandi na Francia, unda e pais ta keda cay atras den su obligacion di garantiza derechonan igual pa personanan discapacita. Papiando cu demas legisladornan, Peytavie a bisa cu elimina e metodo aki di votacion lo "mustra tur hende, sin importa nan situacion, cu nan tin e derecho na un asiento den e asamblea aki."

"E mensahe aki ta simbolico pero e ta un recordatorio cu ta e falta di adaptacion den ambiente cu ta crea discapacidad, no un persona su situacion fisico," el a comenta. El a nota cu e edificio mes di siglo 18 di Parlamento, aunque e ta "bunita," tampoco ta completamente accesibel pa

hende cu discapacidad - un estado cu ta aplica na Paris Metro y otro sitio di servicio publico y priva na Francia.

"E reglanan cu ta gobernarnos institucion a ser crea - manera e Asamblea aki - pa hendenan sin discapacidad pa personanan cu tampoco tin discapacidad," Peytavie a comenta.

Cu 183 voto na favor y ningun contra, legisladornan a sostene di forma unanime su proposicion p cambia e regla

cu ta habri caminda pa presidente di Asamblea Nacional, Yaël Braun-Pivet, pa elimina e metodo di voto aki. Aunke e metodo di foto no ta usa frecuentemente, Peytavie a bisa cu esaki ta exclui e legisladornan cu no por lanta para.

"E situacion no ta uno di teoria. Mi no por a forma parti di varios voto aunke mi tabata presente den e camber," el a declara.

Pronostico di tempo

Tempo:

Awe noch: levemente te parcialmente nubia y generalmente seco
Den marduga y mañan: parcialmente nubia sin awasero di importancia

Temperatura maximo 32 grado Celsius
Temperatura minimo 26 grado Celsius
Indice di calor (heat index) den y rond di oranan di merdia: 33 pa 38 grado Celsius
Uv index: 12

Bahada di solo : 6:50 pm
Subida di solo : 6:48 am

Biento:

Moderata for di direccionnan entre oost-noordoost y oost-zuidoost; forsa 3 te 4 (12 te 30km/ora, 7 te 16 nudo)
Den di dia basta fuerte te posiblemente fuerte den rafaga; forsa 5 te 6 (31 te 50km/ora, 17 te 27 nudo)



Situacion general di tempo: Extension di area di presion halto riba Atlantico ta dominando weer den region, mantenendo esaki por lo general seco.

Condicionnan maritimo/estado di lama:

Na partinan protegi di costa: keto, rond di 1 pia
Na partinan zuid: trankil 1 pa 2 pia
Na partinan oost te noordwest di costa: modera cu olanan alrededor di 3 pa 4 pia

TA BUSCA

ARCH Maduro
ta busca
"Metselaar"
Por yama na
Tel. 561 6521

Conflictonan ta pone Sur Sudan na punto di guerra segun bloc Oost Africano

(AFP)—Un bloc regional di Oost Africa a emiti un advertencia ayera cu e conflictonan recien na Sur Sudan ta pone e pais “cada biaha mas cerca di guerra.”

Durante su historia cortico, e nacion empobreci a ser plaga pa instabilidad politico y inseguridad, pero preocupacionnan a aumenta recientemente despues di e confrontacionnan entre forsan aliado na e lidernan rival di e pais.

Tensionnan a aumenta siman pasa ora cu un helicopter di e Organisacion di Nacionnan Uni (ONU) cu tabata purbando di rescata soldadnan for di e region a ser ataca, resultando den a morto di un miembro di e tripulacion di ONU y un general Sur Sudanés den Nasir, un region den e parti noordoost di e pais.

Presidente Salva Kiir a priminti cu e pais no lo regresa na guerra, pero e confrontacionnan ta pone e acuerdo fragil di comparticion di poder di 2018 – cual a trece fin na un guerra civil di cinco aña entre e y e prome vice-presidente Riek Machar – den



peligro. E Intergovernmental Authority on Development (IGAD) den Oost Africano a bisa cu e violencia ta esun mas recien den un serie di incidentenan cu “ta pone Sur Sudan cada biaha mas cerca di guerra.”

Prome cu e atake riba e helicopter di e ONU, IGAD a nota cu “aproximadamente 6,000 combatante a di e White Army” a ataca un base militar den Nasir dia 4 di maart.

E White Army ta un grupo hobennan arma di e mesun comunidad etnico Nuer di cual vice-presidente Machar

ta pertenece. Segun e declaracion, e incidentenan ta “un indicacion crucial di e vulnerabilidad di e nacion den violencia.”

“Si tensionnan sigui subi, e riesgo di un regreso na hostilidad ta hopi grandi,” el a bisa, apelando pa un desescalacion y un fin di hostilidad entre tur partido involucra.

“Sur Sudan ta balansa precariamente entre e promesa di paz y e peligro di conflicto.”

Preocupacionnan internacional
Diadomingo, Merca a duna

orden na tur su personal no-emergente pa bandona e pais, advirtiendo cu “e conflicto arma ta keda andante.”

Ademas, diamars, e hefe di e ehercito Ugandes a anuncia cu su forsan special a ser desplega na Juba pa yuda e gobierno. E gobierno Sur Sudanés a rechasa e declaracionnan di instabilidad.

Minister di Informacion, Michael Makuei Lueth, a nenga cu tin trupan Ugandes den e pais Ademas, e ministerio di Asuntonan Exterior a bisa ayera cu e situacion ta “calmo y seguro,” agregando cu e pais

ta “habri y safe pa bishitante-, inversionistanan y socionan di desaroyo.”

Tensionnan ta creciendo
Daniel Akech, un analista senior riba Sur Sudan na e International Crisis Group, a bisa cu e situacion “por bay den cualquier direccion” pero cu “e tin mas chance pa escala.”

Segun Akech, por sinti e tension den henter e pais, cu e capital Juba y estado di Jonglei como posibel punto di explotacion, pero Nasir ta keda e enfoke di preocupacion.

Hende a cuminsa huy for di e area, segun un miembro di e NGO Relief International den un centro di refugiadonan na Renk, un ciudad den mesun estado di e Upper Nile. “Na mesun momento, tin un fluho constante di refugiadonan cu ta huy for di e violencia andante den Sudan,” el a bisa, insistiendo riba anonimidad pa motibo di seguridad.

“E estado di salubridad, sanidad y nutricion ta deteriorando na Renk mientras e poblacion ta sigui crece aki.”

Aurora Royal Pray Funeral Home & Crematory

*“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa”.*
Salmo: 23

Nos ta anuncia fayecimento di:



Margarita Lacle
Mihor conoci como: “Chichi, Rita”
*22-02-1938 - †12-03-2025

Acto di entierro lo wordo anuncia despues.

Khamenei di Iran ta bisa cu menasanan di Merca pa accion militar “no ta sabi”

(AFP)—E lider supremo di Iran, Ayatollah Ali Khamenei, a bisa ayera cu e menasanan di Merca “no ta sabi” despues cu presidente Donald Trump a manda un carta p’e urgiendo un negociacion y advirtiendo di un posible accion militar si Tehran no acepta.

“Merca ta menasa cu militarismo. Den mi opinion, esaki no ta un menasa sabi,” Khamenei a bisa durante un reunion cu studentenan. “Iran ta capaz di tuma represalia y lo definitivamente entrega un golpi.”

E declaracion a yega na mesun momento cu medionan local na Iran a reporta cu e minister di Asunto Exterior Abbas Araghchi a ricibi e carta for di Trump, cual a ser entrega pa e funcionario senior di Emiratos Arabe Uni, Anwar Gargash.

Khamenei, ken a nota cu e mes no a ricibi e carta ainda, a bisa cu e invitacion pa negociacion tabata un intento pa “engaña e opinion



publico mundial” presentando Merca como dispuesto pa negocia y Iran como indispueto.

“Nos a sinta y negocia durante varios aña, e mesun persona aki a anula e acuerdo finalisa, completa y firma for di e mesa y a destruye,” el a agrega, refiriendo na e retiro di Washington for di e acuerdo nuclear historico di 2015 durante e prome termino di Trump, cual a caba na 2021.

Desde el a bolbe na e Cas Blanco na januari, Trump a pidi pa un acuerdo nuclear nobo cu Tehran mientras el a reinstala su politica di sancionnan di “maximo presion” pa motibo di preocupacion

cu Iran lo purba desaroya arma nuclear.

Tehran ta nenga e acusacionnan aki.

Iran a descarta oficialmente e negociacionnan directo mientras cu sancionnan ta keda na vigor, y ayera Khamenei a bisa cu e negociacion cu Merca “no lo kita e sancionnan... y lo solamente haci e sancionnan mas fuerte.”

“Pa loke ta trata arma nuclear, nan ta bisa cu nan no lo laga Iran haya arma nuclear. Si nos tabata kier traha arma nuclear, Merca no lo por a stop nos,” Khamenei a bisa.

“E hecho cu nos no tin arma nuclear y no ta busca pa haya nan, ta simplemente pasobra nos mes no kier nan,” el a agrega.

Khamenei, ken tin e ultimo palabra den Asuntonan di Estado, a bisa cu Iran “no ta buscando guerra, pero si un hende tuma accion, nos respuesta lo ta decisivo y sigur.”

Groenlandia lo haya un gobierno nobo pa lidera e proceso di independencia



(AFP)—Un dia despues di gana e eleccionnan na Groenlandia, e partido centro-derecha Democrats a reuni ayera pa planifica con pa forma un coalicion di gobierno cu por crea un caminda pa independencia di e teritorio autonomo Danes.

E menasa di Trump pa tuma control di e isla Artico rico den recurso natural a pone un spotlight mundial sin precedente riba e politica di Groenlandia.

Tur partido, y mayoria di e 57,000 habitantenan di e isla, ta sostene independencia.

Pero e partidonan – incluyendo e dos cu a gana mas voto, Democrats y e partido nacionalista Naleraq – no ta di acuerdo riba e velocidad cu

e proceso mester tuma lugar.

E Democrats a tripel nan voto inesperadamente, ganando 29.9% di e votonan. Nan tabata kier pa Groenlandia corta lazo cu Dinamarca solamente despues cu e logra su propio independencia financiero.

Naleraq, cual a dobel su resultado pa 24.5%, kier libertad lo mas lihe posibel.

E eleccion a entrega un golpi duro na e dos partidonan di e coalicion di e gobierno anterior, e partido isquierdista Inuit Ataqatigiit (IA) y e partido social-democrata Siumut, cual tabata domina e politica di e isla desde cu el a haya autonomia na 1979.

E lider suplente di e Democrats, Anna Wangenheim, a

conta AFP cu nan ta “bay papi cu tur partido” riba e formacion di un coalicion di gobierno. “Nos no sa ainda cu ken nos ta bay sinta, pero nos ta habri pa discuti y debati e politicanan den futuro,” el a agrega, señalando cu e dialogo lo tuma lugar den e “dianan cu ta bin.”

Estableciendo un ‘timetable’ E lidernan di e partido Democrats a reuni ayera pa discuti su strategia di negociacion.

“Cualkier caminda pa independencia cu lo prevalece lo depende di si e Democrats ta forma un coalicion di gobierno, y si ta asina, cu cual partido,” segun Dwayne Menezes, lider di e Polar Research and Policy Initiative.

Si e Democrats “scoge pa forma un gobierno cu Naleraq,



nan lo mester acelera nan plataforma riba independencia y formacion di un estado,” segun Lill Rastad Bjorst, un experto di e region Artico na e Universidad di Copenhagen.

Cu Naleraq, e Democrats “lo enfrenta e demanda constante y explicito pa presenta un timetable concreto di e proceso,” el a agrega.

Naleraq ta kere cu independencia por ser logra den algun aña.

Riba dia di eleccion, e lider di partido, Pele Broberg, a nota cu Groenlandia y Gran Britaina a tuma tres aña pa sali for di e Union Europeo. “Dicon nos mester tarda mas?” Broberg a conta AFP.

Pero Naleraq a muestra señalnan ayera di ta dispuesto pa compromete. “Nos no por haya independencia inmediato, pero nos kier cuminsa e proceso oficial,” segun Kuno Fencker, ken a ser eligi como parlamento pa Naleraq, agregando cu nan partido y e Democrats tin hopi similitudnan.

Algun votador y expertonan ta preocupa cu un separacion pura for di Dinamarca por fortalece e ambicionnan di Trump. “Independencia ta importante, pero mi no pensa cu e lo pasa awor, specialmente cu con mundo ta bayendo,” segun Nanna Jensen, un ciudadano di 23 aña.

“Mi ta pensa cu si nos bira independiente awor, Merca lo tuma control di nos.”

Trump no a descarta e uso di forza militar pa “haya Groenlandia,” alegando cu e ta un asunto di seguridad nacional pa Merca, mirando e interes creciente di China y Rusia den e region Artico.

E Democrats tambe por scoge pa colabora cu partido IA, den cual caso “nan por sigui nan propio plan y enfoca riba e crecimiento economico prome,” segun Rastad Bjorst.

Groenlandia ta depende riba su sector di pesca, cual ta conta pa casi tur su exportacionnan, y un subsidio anual di mas cu \$565 millon for di Dinamarca, equivalente na un quinta parti di su GDP.

Yamado pa union E ley di Gobierno Propio di Groenlandia di 2009 ta permiti e teritorio cuminsa unilateralmente e proceso di independencia.

Esaki ta stipula cu dialogo mester tuma lugar entre e gobierno Groenlandes y e gobierno Danes pa logra yega na un acuerdo. Esaki despues mester ser aproba pa e parlamento di Groenlandia, sosteni pa un referendum na e isla, y posteriormente ser vota den parlamento di Dinamarca.

“Groenlandia tin mester pa nos keda uni, esaki lo ta e base di nos negociacionnan,” e lider di e Democrats, Jens-Frederik Nielsen, a bisa den un programa televisa riba e anochi di eleccion.

E tambe a subraya dos di su prioridadnan di campaña: “un acercamento calmo na Merca” y construi un “fundeshi” pa habilita e creacion di un estado Groenlandes.

Ulrik Pram Gad, un investigador na e Instituto Danes di Asuntunan Internacional, ta anticipa cu e Democrats lo sigui un ruta modera.

Awor cu e votadornan a rechasa e ofertanan di Trump, e trabou di e gobierno nobo lo ta pa “canalisa e interes di Merca den cooperacion economico,” el a bisa.



ONU ta adverti cu e deposito di ayudo ta cabando na Gaza

(AFP)—E **Organisacion di Nacionnan Uni (ONU)** a manda un advertencia ayera cu e deposito di ayudo ta den riesgo di caba na Gaza, debi cu Israel ta blokiando suministro pa pone presion riba Hamas.

Israel a stop e entrega di ayudo 11 dia pasa y a desconecta e unico liña di corriente electrico cu ta suministra un planta di desalinisacion di awa den e territorio Palestino, como parti di su esfuerso pa obliga Hamas acepta su termino den e negociacionnan



di tregua.

Despues cu un alto-el-fuego a drenta na vigor dia 19 di januari, ONU a logra promesa cu e suministracion

di cuminda y medicina na Gaza y a pone e hospitalnan den operacion, segun Tom Fletcher, lider di e oficina humanitario di ONU.

Pero awor nada no ta drentando mas, el a bisa den un conferencia di prensa. “11 dia demasiado largo pa preveni ayudo yega na ciudadanonan cu mester di esaki desesperadamente,” Fletcher a bisa.

“E deposito ta cabando hopi, hopi lihe,” el a agrega, señalando cu ONU ta obliga pa racionalisa nan deposito pa e por dura mas tempo.

“E hecho cu nos no ta haya combustible ta nifica cu ta stop di usa e incubatornan,” el a bisa, agregando cu Gaza

lo bolbe drenta un crisis humanitario rapidamente.

Fletcher a bisa cu el a bishita Gaza luna pasa y a purba di prepara su mes, pero cu e situacion tabata hopi mas malo cu e tabata anticipa. Un di e cosnan cu a impact’e mas tabata pa mira cachonan gordo cu ta come cadavernan ora nan ta busca cuminda den e escombronan.

“Y bo ta nota cu e hende ta flaco. Bo por mira esaki tur caminda. Mi no ta pensa cu tin algo cu lo por prepara bo pa esaki,” Fletcher a bisa.

Vaticano ta informa cu Papa Francisco ta stabiel

(AFP)—E **condicion di Papa Francisco ta stabiel, cu un X ray di pecho confirmando e mehoracionnan cu a ser nota e dianan anterior, segun loke Vaticano a bisa ayera.**

“E condicionnan clinica di e Santo Padre a keda stabiel den e contexto di su salud general,” e boletin medico a indica “E X rays di pecho cu a ser haci ayera (diamars) a confirma visualmente e mehoracionnan cu a ser observa durante e ultimo dianan.”

E papa di Argentina, ken awe ta cumpli 12 aña como lider di e Iglesia Catolica, ta den e hospital Gemelli na Roma desde 14 di februari. Na cierto momento a reporta cu su condicion tabata critico.

Pero den e ultimo siman su salud a mehora, y e Vaticano a indica dialuna cu e no ta den peligro inmediato mas, loke ta habri e posibilidad pa su regreso pa cas.

Francisco ta sigui ricibi oxigeno di alto fluho den dia via

un canula, un tubo di plastic cu ta drenta den su nanishi, y ta usa un mascara di oxigeno durante anochi, segun e declaracion di ayera.

Ayera mainta el a participa via video den e ehercicionan spiritual — oracion- y meditacionnan — cu a tuma lugar den e Vaticano, sin ser mira, manera e dianan anterior.

El a pasa e resto di dia den oracion, descanso y fisioterapia, segun e Vaticano a bisa.



Administracion di Trump ta retira demanda contra compania acusa di abusa di muchanan na shelter pa migrante

(AP) - E **administracion di Trump a cuminsa proceso pa retira un demanda civil diaranson contra e proveedor di vivienda mas grandi pa muchanan migrante a causa di acusacion di abuso sexual y acoso di menornan cu no tin compania, bisando cu e no lo usa e proveedor aki mas.**

E mocion pa retira e demanda contra Southwest Key Programs a ser entrega despues cu gobierno federal a anuncia esaki y a muda tur muchanan cu no tin compania na otro shelternan.

E keho, entrega aña pasa durante administracion Biden, a acusa un gran cantidad di ofensanan entre 2015 pa 2023 mientras Southwest Key Programs, cual ta opera shelter di migrante na Texas, Arizona y California, a genera casi 3 bion dollar den ganashi a causa di contractnan cu Department of Health and Human Services.



E agencia a bisa cu el a stop manda muchanan sin compania na e proveedor su facilidadnan “a causa di e preocupacion continuo relaciona cu esaki,” y a bisa cu e lo evalua subsidionan cu ta otorga na e contratista. Den bista di e agencia su accion, Department of Justice a retira e demanda contra Southwest Key segun HHS a bisa den un declaracion.

E proveedor di shelter a bisa cu nan ta contento cu

e decision pa retira e caso. “Southwest Key ta nenga fuertemente e acusacionnan relaciona cu abuso sexual di mucha den nos shelternan, y no tin ningun acuerdo ni pago rekeri,” e declaracion a bisa diaranson anochi. “Semper nos a kere e hechonan lo comproba cu e acusacionnan no tin merito. Nos ta duna danki na e gobierno pa su compromiso den evalua henter e record y anula e caso cu prehuicio,” nan a agrega. E siman aki, Southwest Key

Programs a despedi empleadonan den henter e pais. “A causa di e congelacion di fondo federal y e paro den orden pa tuma muchanan na nos shelternan pa menornan cu no tin compania y Home Study Post Release di Office of Refugee Resettlement, nos a tuma e decision dificil di despedi aproximadamente 5,000 empleado di Southwest Key Programs,” e compania a informa. Segun acusacionnan den e demanda di 2024, Southwest

Key su empleadonan, incluyendo supervisoran, a viola, mishi inapropiadamente of solicita imagennan inapropia di muchanan cuminsando den por lo menos 2015.

Entre e acusacionnan: Un empleado a “abusa sexualmente repetidamente” di 3 mucha muhe di 5, 8 y 11 aña na Casa Franklin Shelter na Texas, cu e mucha di 8 aña bisando e investigadornan cu e empleado “tabata drenta nan camber anochi pa mishi cu nan.”

E demanda posiblemente no a caba. Diaranson, National Center for Youth Law a pidi corte no retira e caso y duna nan un oportunidad di formalmente interveni di parti di esnan afecta pa e supuesto abuso. Si otorga, nan lo tin 30 dia pa entrega un mocion den e demanda.

Por lo menos 2 empleado a ser acusa cu cargo criminal relaciona cu e acusacionnan desde 2020.



WHIRLPOOL WEEKEND SALE EVENT

14 AND 15 MARCH 9AM- 6PM

WIN A AWG750 GIFT VOUCHER

WHEN YOU PURCHASE ANY WHIRLPOOL APPLIANCE ON CREDIT
& GET AUTOMATICALLY ENTERED INTO A MONTHLY DRAW.

 <p>SAVE AWG2600</p> <p>25 CU. FT. FRENCH DOOR FINGER PRINT RESISTANT FRIDGE WRX735SDHZ</p> <p>NOW AWG5999 WAS AWG8599</p>	 <p>SAVE AWG300</p> <p>11 CU. FT. TOP MOUNT FRIDGE WITH TWIST ICE WRW32CKTWW</p> <p>NOW AWG1199 WAS AWG1499</p>	 <p>SAVE AWG486</p> <p>18 CU. FT. TOP MOUNT FRIDGE WT1818A</p> <p>NOW AWG1899 WAS AWG2385</p>	 <p>SAVE AWG1700</p> <p>28 CU. FT. SIDE BY SIDE FRIDGE WITH ICE & WATER DISPENSER WRS588FIHZ</p> <p>NOW AWG4499 WAS AWG6199</p>
 <p>SAVE AWG406</p> <p>30" STOVE 4 SEALED BURNER (STANDARD) LWF7230Q</p> <p>NOW AWG999 WAS AWG1405</p>	 <p>SAVE AWG296</p> <p>17 KG TOP LOAD WASHER 1CWTW4815EW</p> <p>NOW AWG1399 WAS AWG1695</p>	 <p>SAVE AWG570</p> <p>24" DISHWASHER BUILT IN FULL CONSOLE - 3 WASH CYCLES WDF341PAPM</p> <p>NOW AWG999 WAS AWG1569</p>	

PROMOTIONS ENDS MARCH 31ST, 2025. CONDITIONS APPLY.

SHOP TODAY PAY US LATER!

569-2407 AMC EAGLE MEGASTORE

568-9070 AMC SAN NICOLAAS

HORARIO: 9am - 6pm
DIALUNA PA DIASABRA



Putin ta urgi ehercito Ruso 'libera' region Kursk



(AFP) - President Vladimir Putin a expresa speranza diaranson cu su ehercito ta a punto di "completamente libera" e region Kursk di Rusia, mientras Ucrania a insinua cu su trupanen ta retirando a causa di avance rapido di Rusia.

Den su prome bishita na e region desde cu Ucrania a lansa su contra-ofensiva den augustus, Putin, bisti den paña di ehercito, a elogia e avancenan recien y a urgi su trupanen pa sigui lucha. "Mi

ta conta riba e hecho cu tur e tareanan di combate enfrentando nos unidannan lo ser cumpli y e teritorio di e region Kursk pronto lo ta completamente libera di e enemigo," el a bisa den declaracion televisa.

Rusia su forsanen a bolbe mira avance den e region fronteriso durante e ultimo 5 dia, hefe di empleado general Valery Gerasimov a informa Putin. Minuutnan despues cu e imagennan di Putin a keda televisa riba television estatal Ruso, Ucrania su co-

mandante di ehercito a sugeri cu su trupanen ta bayendo bek pa minimalisa e perdanan. "Den e situacion mas dificil, semper mi prioridad tabata y ta keda salba e bida di soldaatnan di Ucrania. Cu e fin aki, e unidannan di forsanen di defensa, si ta necesario, ta manibra na posicionnan mas faborabel," Comandante Oleksandr Syrsky a bisa den un publicacion riba Facebook, den idioma cu tipicamente usa pa describi ora ehercito ta retira.

El a agrega sinembargo: "Ape-

sar di e presion aumenta di ehercito Ruso/Coreano di Norte, nos lo mantene defensa den region Kursk tanten esaki ta apropiada y necesario."

Ucrania y su aliadonan ta bisa cu mas di 10,000 trupa Coreano di Norte ta luchando pa Rusia na Kursk.

Gerasimov a bisa cu Rusia a captura 340 soldaat di Ucrania den e region, mientras cu Syrsky ta bisa cu 942 Ruso a ser tuma como prizonero di guerra.

Putin a bisa cu e soldaatnan di Ucrania cu a gara mester "ricibi tratamiento como ter-

orista, di acuerdo cu leyman di Federacion Ruso," sugiriendo cu nan por enfrente huicio den corte Ruso y keda deteni pa decananan.

Rusia ya caba a pone varios soldaat di Ucrania den huicio pa "terrorismo."

Geneva Convention ta prohibi cu soldaatnan captura bay huicio pa nan hostilidad arma. Gerasimov a bisa cu Rusia a retoma alrededor di 1,100 kilometer cuadra di teritorio den region Kursk - gran mayoria di loka Ucrania a logra tuma den augustus.

